

大滌山房詩錄卷五

吳縣

張吉安

進民

戊寅花朝前一日為余花甲初度之辰巖少峰太

守吉雲徵君招同吳枚菴明經徐香巖朱雙松兩

刺史集池上廬置酒為壽卽席口占

昨宵微雪灑瓏玲忽涌晴暉滿畫櫺山意春融渾欲笑

梅花釀熟共延齡池同白傅開吟社人指巖家聚德星

襟上酒痕前度夢自拋手版竟忘形

黃蕘圃主政入山探梅未踐前約和韻見贈次荅

鏤月雕雲更佩玲六浮煙翠潑窗櫺誰從湖上招君復

大滌山房詩錄卷五

一

自喜山中養伯齡看到千花千劫佛吐來一字一華星

詩人清妙天機領隨處句畱總寓形

花朝後十日石竹堂廉訪黃蕘圃主政置酒五柳

園之鶴壽堂疊前韻為壽次荅

名園邱壑幻瓏玲特埽南軒拓綺櫺鶴本胎僊能養性

酒為歡伯定延齡花朝過後剛旬日柳宿光中第幾星

最是蘇程好兄弟同占壽骨表儀形

疊捧瑤箋韻玉玲玳筵又為敞南櫺小人有母難言壽

僊客相親許曼齡多感山民

蕘圃自署
民山山民

聯石友同躔柳

宿映張星此園便是陶陶室

蕘圃
齋名

和到淵明影荅形

竹翁薨翁復倒用前韻見贈各次一首

但覓安心不鍊形年來綠鬢亦星星未忘江上蘓繡約
矣意山中松鶴齡五柳扶疏開畫幘百花取次照窗櫺
壺觴雅集吟箋疊瓦缶如何和玉玲

觀書如月莫逃形圖籍輝分奎壁星筆健誰能稱勍敵
氣雄自足享遐齡紛披語妙三升酒照澈心光八面檠
我愧尖叉拈韻險漫將玉屑鬪瓏玲

題澹公小影集杜

大師京國舊回首憶松筠花葉隨天意江邨獨老身艱
難歸故里寂寞向時人放浪陶彭澤交情何尙新

大滌山房詩錄卷五

二

耳聾須畫字也復可憐人到此應常宿交情老更親看

花隨節序嗜酒見天真賴有杯中物囊中藥未陳

寺憶曾遊處蒼然猶出塵高聲喚果栗結愛獨荆榛夕

露晴猶溼秋葵煮更新故人有孫宰鏤骨抱酸辛

形像丹青逼豈惟粉墨新所親驚老瘦況乃久風塵

影照無睡題詩覺有神醍醐長發性葉葉自開春

彭甘亭退居鳳巢菴用吳巢松編修畱別韻賦詩

爲贈兼寄巢松

茶磨楞伽本壻鄉名場回首佛登場多生早種三摩果
此座元應七寶裝文字因緣畱世諦齋廚風味勝家常

買山而隱譚何易合讓先生占彼岡

卓錫閒菴得所於密傳心印雪田書卻看獅乳流無盡
便覺龍泓水不如入室祇須揮塵柄載書誰與證牛車

周妻已斷惟何肉結戒偏教苦律渠

佐持蠶菴
戒行甚嚴

最是詩家眷屬親蓮花千億妙分身移巢天上痕依舊
記芴山中話一新共羨逸官同逸佛可能依俗更依真

岫雲漫說無心出手種虬枝漸化鱗

巢松繪間
雲出岫圖

自歎年來雙鬢皤也曾照影到恆河空中樓閣華嚴現
是處松楸涕淚多

先塋俱
在橫山

誓墓敢云同逸少入山無語

契公和何當對榻論宗旨悟徹三生一剎那

大滄山房詩錄卷五

三

龔素山三生同聽一樓鐘圖

素山自定西來案香火因緣畫幘畱一百八聲敲不斷
百重心事五更頭

海風終日聽潮音一杵能消起滅心樓閣華嚴彈指見
底須更說去來今

打鐘埽地玉谿生才子回頭慧業成多恐豔情磨不盡
最銷魂處墮釵聲

自覺心情老衲俱繩牀枯坐學跏趺一樓同聽人何在
也許圖中著我無

和霽山讀蘇詩口占韻

漫說詩分宋與唐各言其志亦何傷僊才偶謫蓬萊島
宦味同尋蕨筍鄉舖到臘糟聊溷俗喚回春夢怕登場
對牀兄弟俱頭白話舊從頭鎮未忘

寓言十九本荒唐孟博能為晚自傷清淨尙嫌詩是孽
黑甜聊與醉為鄉頭銜合署新居士眼力虛誇古戰場
七百餘年追宦轍西湖花柳未能忘

自題頭陀小影集杜

本自依迦葉生涯脫要津誰憐一片影有愧百年身疏
嬾為名誤伶俜臥疾頻吾師雨花外良覲渺無因

黃蕘圃祭書第二圖

太滌山房詩錄卷五

四

第二圖成百宋塵重孫湯餅正開筵祭書天與綿書種
喜報書倉大有年

波頭碧眼照來神一字驪珠一顆珍海內文人齊下拜
詩吟千疊洒千巡

士禮居中賀所遭比鄰祭竈亦勞勞指彈九烈占先兆
合為孫曾祀棗糕

吾家故物抱殘編差擬偷存子敬氈韞褱祇供書估笑
賣來不值一囊錢

仁圃太守舍飴圖

去年一鳳生長安犀錢玉果分滿盤今春一鳳生官舍

錦綉奉出黃堂看丹山毓瑞朝陽紅孫枝挺秀高岡桐
連番湯餠樂復樂太守之樂賓客同我忝賓坐爲特久
四十二年重回首詩吟香動桂林秋公二十三我十九
追隨鳧舄浙東西宦海南鍼爲指迷公掣長鯨我叱犢
轉瞬咫尺分雲泥一麾出守來臣里面瘦於前不色喜
莫夜投金手指天清晨判牘心如水九峰三泖畫圖開
一葉清風續續來滿耳歡聲碑在口召父杜母爭相推
蘭蕤玉茁心田種郝下才名大小宋慈明兄弟孰非龍
靈運子孫俱是鳳今秋報最將入都把酒譚心出是圖
逸少分甘意有在如此作客豈非迂指日江南開幕府
萬戶渴思慈母乳心誠係赤民舍舖棠自成甘心自苦
廉吏兒孫好在貧德門簪笏總生春若尋一椽膠牙味
輸與茅檐叱犢人

大滄山房詩錄卷五

五

仁圃太守報最入 觀詩以贈行集杜

江邨意自放五馬爛輝光數語敬紗帽看題檢藥囊劇
譚憐野逸壽酒樂城隍列郡謳歌惜君行佐紀綱
鄉賦忝嘉賓交非傾蓋新艱難歸故里前後閒清塵政
化平如水詩成覺有神義聲紛感激風俗盡還淳

用意崎嶇外生涯脫要津人皆知飲水吾輩本長貧有
喜畱攀桂臨風看去塵佳聲期不遠更覺彩衣新

時四
公子

銓應試
京兆

近公如白雪灑面若微霜俗論猶猜忌神功接混茫
思憂悄悄撫事淚浪浪天子多恩澤雲臺引棟梁

宋服齋司馬招同人遊余山訪陳眉公白石山房
野鶴閒雲意不猜拏舟出郭意衰衷細林僊館神蹤杳
白石山房畫本開名士聲華猶說併故人情話此銜杯
放開眼界煙雲埽更踏吳山頂上來

送易齋赴浙補官

頻番聽雨話茅堂往事重尋夢一場同姓盟言如骨肉
他年治譜有輝光君才畢竟爲時用蘇我意何能與世

大滄山房詩錄卷五

六

忘約略西冷橋畔路百花春釀問餘杭

祀竈日奉懷吳枚菴

水僊未吐野梅瘦想見冬心抱寂寥也有屠沽兒酒肉
先生鬢影自飄蕭

又逼江鄉祀竈辰誰分利市到比鄰眼前袞袞皆臺省
不薄山人謝茂秦

己卯正月廿四日宋仁圃郡伯自京來蘇艤舟顧
訪賦贈一律

遲遲五馬渡江潯雪後風光取次尋人喜春來原有腳
我知雲出本無心公歸載咏鴻遵渚子和還占鶴在陰

賦到梅花心鐵石清寒耐得共苔岑

喜馮百史明府過訪草堂賦贈

胥江連日艤扁舟畢竟馮郎是勝流一匊土香攜帝

里見惠京中食物數種二分月色話揚州出示與汪劔潭郡伯揚州唱酬詩人逢

舊雨多青眼詩入新愁易白頭先德棠陰遺愛在故應

此處重句畱尊南康齋先生秉臬吳中多惠政

次日仁圃郡伯邀同百史明府水窗小敘口占用

前韻

廣平老守本同舟鐵石梅花第一流東道主方來滬瀆

西湖誰不戀杭州坐中把瓊難分手局外看碁又聚頭

大滌山房詩錄卷五

七

先後朝 天書上攷五雲深處姓名畱

贈吳藕塘同年

夕陽好處近昏黃老嚼紅綾餅亦香三載宦遊尋雪爪

一門卽事感滄桑閒情風月消磨易本分齏鹽意味長

無定榮枯休問卜要知臧穀總忘羊

和潘榕皋丈述懷韻

文到昌黎力起衰汗流滉籍許追隨同時月且人爭仰

前輩風流我所思金石銘心摹古篆雲煙過眼續新詩

臥遊歷盡名山勝禽向何須遲子期

福慧雙修兩足尊白衣蒼狗事休論松蟠雲海根原大

花探蓬山陰正繁記事握珠輝紺暈讀書炳燭到黃昏
眼明漸覺瞳神碧親見曾元孫復孫

磨人尙有墨千丸煨芋何心問嬾殘宰相十年思爛熟
梅花一品韻高寒爲徵曼壽重三節彌惜光陰百尺竿
我乞擘窠三大字淋漓要趁酒初闌

韓敬堂先生沙塘祠屋圖桂舫司寇屬題

宗伯流芳桑梓播尙書繼志草萊除年年春雨靈風送
猶展芭蕉一卷書

沙塘煙樹寫成圖風木餘哀涕淚俱孝弟神明通北斗
韓門清望卓三吳

大滌山房詩錄卷五

八

題王鳳林丈畫真

山林泉石四家傳吳中世醫鄭王劉夏四姓公是靈光望巋然活到

萬人心是佛分來一匕骨應僊藝花便當長生藥種德
奚貪造孽錢我傍壻鄉延佇久看燒丹竈怕升天

韓桂舫司寇風木圖

一眞呼吸天人通六幕上下青濛濛金光煜爚忠孝字
寸丹泐銘垂無窮圖成風木有餘痛日惟大司寇韓公
公立 朝端直方大夙奉庭誥仁言藹一笑平反活萬
人八旬頤養徵三泰 恩錫耆齡 天語褒乘傳還鄉
舞彩遂太公佛地位中人福慧雙修證宿因丙子十一

月八日法華自轉當空輪千山月曉光明性一室香生
清淨身傳聞朝野涕沾胃天心震悼爲動容帑金

特賜營祭葬光賁泉壤典禮崇公之至性感行路淚
痕灑徧環山松怵惕悽愴霜復露孝烏翔集無朝莫墓
田丙舍帖初成禮盡居廬感誓墓從來移孝以作忠惟
勤職守酬悲慕而況公今爲大臣帝心簡在頻垂詢
谿山圖畫思親淚臺閣丹青致主身敬頌一篇生壙
記隆隆雲族壽千春

石廉訪竹堂圖集杜

海內文章伯如公復幾人直詞才不世得土契無鄰時

太滌山房詩錄卷五

九

議歸前烈青雲滿後塵草堂尊酒在披豁對吾真

立馬千山莫喧爭嬾著鞭開顏面亭沼明目埽雲煙宅

入先賢傳府第爲何義門太史故居門求七祖禪晚間多妙教只想

竹林眠

心在水晶域味如甘露漿自須開竹徑且欲上慈航花
雜重重樹風吹細細香願聞第一義達者得升堂
聿近幽人屋如連惠遠遊堂前自生竹客意已經秋把
臂有多日會心眞罕儔無人覺來往來往亦風流

仁圃太守賦詩見贈次韻

五茸城裏幾番過麥氣迎秋候亦和蘭筍名山方載酒

檀槽清夜又徵歌公當守郡歡愉少我到中年涕淚多出處縱殊懷抱洽誓心古井不生波

題周椒邱詠歸圖

吾宗霽翁老於事骭髀風塵強項吏平生青白眼分明時向尊前說周二周郎逸志何迢迢如醇飲人意也消香奉南豐拈一瓣雨聽兩浙話連宵浙西遊徧佳山水又到吳淞照清泚垂虹亭畔好句畱拏舟亦復來臣里子時歸里已多年小築盤谿結靜緣同姓弟兄杯更引重來賓客杖還聯宦游賓客水中萍君是松筠雪後青來往書函藏什襲唱酬詩句意丁寧南豐本亦號嘉禾

大滌山房詩錄卷五

十

駕水棲遲行有窩結屋成都懷老杜買田陽羨遂東坡
榻來示我詠歸圖童冠褊褊典不孤君家弄月吟風意
卽是沿沂諷舞雩霽翁得句醉中揮雲到無心亦駐飛
吟罷新詩官亦罷古云詩讖是耶非今我披圖重歎息
三人相對頭俱白遲遲三月戀餘春苒苒百年成過客
君今世務尙纏身到處諸侯款上賓尊榮鱸魚風味美
吾宗賸有兩閒人

贈澹公

衆生衣食苦饑荒奈此亭亭火繖張願乞大師方便力
先從五內證清涼

松筠回首夢迢迢往事重提破寂寥莫道還山無一物
來時原是赤條條

送同人省試有懷李念齊陳子雅兩表弟北闈集
大忠杜

秋月仍圓夜青雲滿後塵文章千古事泪沒一朝伸翻
動神僊窟操持郢匠斤沈思歡會處慘澹向時人
他鄉惟表弟念昔意驚神京國稱多士丹墀有故人蛟
龍得雲雨雕鶚離風塵宅相榮嫺戚應宜彩服新

贈姜南林明府

濯纓書院奉經師是我鉛刀出手時二十三年渾一夢

大滌山詩錄卷五

十一

相逢各各認須眉

嘉慶丁巳余宰象山
延君主講纓谿書院

丹山毓秀奇姿挺小試經綸一邑名縣自號肥官自瘠
傳來世澤石泉清

時君官肥鄉今奉檄來吳令
祖白巖先生宰石泉有政聲

高軒屢次枉蓬廬草草杯盤邨釀沽利濟時艱公等在

季鷹只解話蓴鱸

題吾與菴萬年簿

大患緣有身何論身以外究竟文字緣歷劫不能壞
澄公已西歸一物將不去善哉心誠心鑑傳無盡處
衆生衣食苦續命田誰布安得優曇林盡置長生庫
飢火六時燒佛腳終須抱一旬阿彌陀無苦寂滅道

題姜白石像

范陸尤蕭外風流是我師綠陰芳草地疏影暗香詞石
帚閒愁埽煙波好夢隨洞簫翻舊譜惟有小紅知

題涂菊人明府一尊酒軒集集杜

蒼茫風塵內詩清立意新聞君妙爲政得士契無鄰
秋分枝所得士皆一時名雋高興知籠鳥思波起涸鱗
前年族弟路出姚江願承翦拂

何時一尊酒爲話涕沾巾

卽事口占

嘉湖田賦蘇松敵百計籌來一慨然策有上中無最下
害分輕重必兼權人疑謝客爲山賊我怕孫恩作水僊

大滌山房靈卷五

五

禍起流亾憂不細天心仁愛屢豐年

吾與菴十詠

披雲草堂

白雲泉畔路寒石草堂支盡日雲中住雲從何處披

倚杖處

結習餘文字詩壇說九僧認師眞面目壁上二枝藤

見山閣

閣是華嚴界山爲清淨身如何終日對失卻本來眞

雲外室

斗室諸天供蒲團大地圓我言如不信試證木犀禪

獨樹

枯木心常寂孤生願豈賒我來下轉語獨樹老僧家

方池

一鑑清如許風來月正初千頭魚戢戢極樂卽眞如

梅林

好事黃居士幽尋特先春問梅公案在明月悟前身

竹所

昔日竹林遊我亦與其未衰白幾人存寒碧千莖活

蒙養井

蒙養與井養取義養爲尙涓涓一罇泉功德本無量

大滌山房詩錄卷五

七

觀稼橋

萬頃雲連割幾家煙斷炊空山多餓虎惟仗佛垂慈

焦山雪齋上人竹嶼吟秋圖

焦山何有有修竹江海餘波浸寒綠綠雲涼夢淨詩魂

恹然引入簞簞谷雪齋上人嬾可徒畫師爲畫吟秋圖

詩爲佛事根慧業勝流把臂多三吳吳中好事逢黃九

善十萬琅玕落我手題詩便擬到名山爲吾佳處安茶

白

朱二愚谿西冷話雨圖

自我歸田已十年披圖惆悵十年前卽看兄弟頭俱白

風月西湖意惘然

湖光山翠寫空濛情話緜緜雨滴篷記取南屏聲百八
三生聽徹一樓同

我心如水本無波盪破玻璃一擢過妻子功名是何物
世間昏宦累人多

傳神每苦畫工麤題筆當年亦太蕪過眼雲煙供一笑
禪房茶話又成圖

時余屬椒畦作禪房茶話圖

王香湖明府寓齋爲陳永齋先生小蓬瀛館舊第
偶過其地感賦長律

扶疏花木記滋培一曲闌干首一回鶴記碧雲成底語

大滄山房彙卷五

五

雛飛丹穴豈凡才我來淚爲西州下君到詩成東閣開
天上玉堂前後輩謫居猶得住蓬萊

翁小海望雨圖

雲氣筆端滄雨聲紙上侵終年食破研亦抱憫農心

請雨豈無術天人感一誠記當壬戌夏真遇東先生

嘉慶

壬戌余攝篆麗水時方亢旱延永嘉童明經虔誠禱請實獲奇驗童名中模字哲初自號羅顛山人

天上占金虎人間祀土龍如何雲出岫只是幻奇峰

天心自仁愛一雨萬靈蘇安得牧民者虛堂展此圖

題瘞鶴銘後

何年焦山麓乃泐瘞鶴銘證以某某書聚訟紛蘭亭涪

翁得懸解大字無過此諦觀雙井帖神似非形似瘦硬
方通神卓哉杜陵叟坡谷海橫流此論直芻狗

祀竈前四日李子僊孝廉同徐山民待詔過訪卽
席有作集杜

不見李生久吟多意有餘江城今夜客及此問吾廬洗
杓開新醞常餐占野蔬還將徐穉榻歲晚莫情疏

湖上謁祠圖

周文恭公於乾隆間督學浙江士林
愛戴建祠西湖今哲嗣桐峰世文謁
選北上赴浙展
祠繪圖紀事

祖庭絳帳渺人天閒地菴畱玉局僊白盡頭顱門下士
披圖神悚卅年前

大滌山房詩錄卷五

五

謁祠愴儂儼趨庭未獲相隨夢境靈雲水光中曾洗眼
山痕終古自青青

手攀隄柳淚漣漣雲出無心任往還指日宦遊來展拜
天教重看浙中山

庚辰二月望日松江郡齋席次口占

一葉風輕又五茸杏花開到郡樓紅江湖迹狎銜泥燕
筆墨緣深蝕字蟲客裏光陰寒食近酒邊情味故人同

泥金報捷還拚醉櫻筍廚開四月中

時公子鎔
應試南宮

嘯谿上人秋林行腳圖

奇探大滌洞中天一剎那閒十五年笑我息心惟習嬾

羨師行腳尙隨緣曹谿小往眞源印泐水重逢舊話懸
精舍拓開詩世界向誰更索草鞵錢

二陸草堂懷古

婉變崑山姿

用上
衡句

俊偉產其麓訪古五茸城喟焉歎二

陸將相門華腴文章世推服赤舄銷霸業天意覆邦族
辨亾論三篇實自炫荆璞相攜事閭朝羈旅作都督恩
威成都王羅禍何乃酷仕宦一熏心肺腑盡成俗漫將
千里蕤比擬到羊酪不見張季鷹命駕秋風速鱸斲吳
淞江鶴聽華亭谷

二陸優劣分士龍較敦篤東吳舉賢良於時年十六入

大滌山房詩錄卷五

七

洛正翩翩二俊張華日出補浚儀令平心斷疑獄干請
拒黃門詞直氣嶽嶽王弼夜譚經神鬼亦欽服盧志工
譖人遂乃肆謠詠造物豈不仁一例遭荼毒三世將不
祥西陵誅亦酷天道本神明報復如轉轂

醉蟹

公子本無腸橫行入醉鄉輪囷空臥甕躁擾漫將糖雪
脫雙螯白膏含半殼黃免他紅一背新歲客分嘗

醉鰕

長須人自媚借眼爾偏工未到沈酣處還爭一躍雄輕
衫圍白殼細縷簇清蔥草屨纔撈得應鄰蟹舍東

江鐵君表弟頭陀小影

三林居士家南老龍象生來護法門今日白衣誰說法
讓伊無佛處稱尊

慧業文人是總持如何禪教苦分岐相宗參透心源了
才是人天大導師

終恐葫蘆依樣摹搬柴運水也糊塗一刀斬斷諸煩惱
畱箇蒲團讓我無

茸城返櫂夜過崑山不得一晤椒畦到家適奉手
書以詩代簡集杜

柔櫓輕鷗外孤城早閉門清秋望不極寒水各依痕爲

大滌山房詩錄卷五

七

客無時了非君誰與論理生那免俗耕稼學山邨

王子思歸日養親維小園高齋依藥餌勝地想桃源把
酒且深酌寒鐙亦閉門圃畦新雨潤自足媚盤飧

宿昔奉清尊題詩好細論高齋常見野小徑曲通邨已
覺糟牀注終防市井喧故人能領客歲月在衡門

卜宅從茲老吾知養拙尊浮舟出郡郭隨事數田園置
酒高林下讀書秋樹根臨風默惆悵妙絕與誰論

氣得神僊迴先生藝絕倫才高心不展用急始如神精
理通譚笑虛懷任屈伸瘡痕向誰數一起轍中鱗

畫手看前輩如公復幾人青山各在眼白髮好禁春卷

軸來何晚蒼茫興有神大哉霜雪幹更覺潤龍鱗
澹墨字欹傾鋒稜瘦骨成密論貞觀體因見古人情作
者皆殊列幽居不用名人閒常見畫深覺負平生
前後緘書報今朝豁所思青囊仍隱逸烏几伴棲遲庶
近幽人占兼工古體詩君來必十月來把菊花枝

贈寶林寺遠塵上人

到門不見空潭水上殿還看繞柱龍許我香廚分一鉢
可知頑鈍佛能容

寺鐘一杵漏晨光猶記髫年上學堂往事回頭多到眼

木魚聲裏淚浪浪

安五齡失侍祖慈朱太孺人督課甚嚴每候寺鐘初動卽促令披衣起坐

大滌山房詩錄卷五

六

嘗曰汝他日成名當呼此鐘爲讀書鐘今祖慈謝世已三十四年矣追憶慈訓易禁痛心

澄公西去已多年座下欣看有後賢一念堅持龍象喜
敢將小果薄人天

漫誇輪轉隨千佛且喜詩清鬪九僧得半日閒還過我

我除搜句百無能

蘇句

題毛訥菴丈詩藁

詩壇北郭又南城宗派西河定主盟領異標新裁僞體
感時懷舊見平生也曾洗眼看輕薄爭不低頭事老成
香草美人皆託興未妨靖節賦閒情

潘榕皋丈遊焦山用坡公金山詩韻賦詩屬和

榕翁嬰鑠地行僊開九秩年猶跨海神魚拜舞鼉鼉趨
巋然海內靈光在金山不數裴頭陀焦山終古凌蒼波
蘇僊一去七百載至今翠墨流傳多壯懷特擊中流楫
同志爭看初吐日晚霞綺麗勝朝陽海童駢奉珊瑚赤
寒濤濺夢聲澎湃詩成滿紙蛟螭黑示我連篇眼忽明
冷射毛髮心魂驚公才涵演未易識吐納羣流無一物
吳儂眼底虎邱山詩爲說法頑石頑觀潮西浙何能已
笑指東溟一杯水

時雲巢司馬有
海昌觀潮之約

榕翁餉鮮荔一罌用坡公焦山詩韻申謝

果中丹荔性所耽卅年前負遊嶺南

乾隆辛亥歲周東
屏師視學廣東以

大滌山屢錄卷五

五

書見招因就
鐘下相未果蕭山楊梅秀州李足與此品珍爲三連朝
溽暑不可耐吾其火鼠憐冰蠶閩中僊品一罌餉對使
祇領感且慙黃柑郡更數甌郡朱橘不復誇湘潭開緘
色香味猶在瓊漿未飲神先酣紅襦褪出白玉膚豔情
一洗詞人譚平生果證多羅蜜堆盤虔供金僊龕堂前
奉母開笑口孫曾環繞還分甘綬桃得一吾自足日啖
三百將母食一門沾勾飽風露拜公之賜何以堪佇聽
催詩來快雨茶瓜小敘城南菴

改七香畫羅漢一幀見贈賦酬

菩提非樹鏡非臺一片靈光筆底回海上玉壺頻想望

夢中寶蓋忽飛來白描活脫同搏土清供蕭閒等畫灰
香火因緣於此結迦那定室嘯園杯

抱貓圖

裏鹽一例聘銜蟬癡絕紅閨鬪草年輓玉一團春入抱
那知蠶候已三眠
客館春寒夢不成靜聽飢鼠鬧殘更狸奴何福能消受
抓住嬌娃過一生

崇真宮祖德圖爲葉竹虛道士題

八百年來祖澤新吳中喬宇僭崇真眼看蝸角紛爭甚
慨想當年捨宅人

大滌山屐詩蠶卷五

三

鶴警星冠世外姿圖中一一認須肩秋涼準擬扶筇訪
竹解虛心是我師

李子僊新居落城壘石疏池尙餘隙地因移一亭
以補之詩來申謝依韻奉和

僊才久合上螭坳漫賦閒居自結茅拓得洞天成小築
補來隙地爲移巢庭前徒倚紅闌亞池上句畱翠竹交
臚卻草堂費未寄新詩十首已傳鈔

再題子僊新居

風雨頻年屋補蘿草堂新柘數來過巖山皺仿王黃鶴
種樹方傳郭橐駝君以盤旋宜號谷我因安樂比行窩

歲寒準擬圍鑪話門外喧闐一任他

金陵車秋舫捧花樓圖

坐中得有車公樂畫裏何來袖子瞋家住六朝金粉地
虎邱春色漫撩人

年來我不覩登伽嚼蠟橫陳當出家結習未除惟綺語
天花散盡佛拈花

和仁圃郡伯水雲亭晚發元韻

依依疏柳列芳津冒次全消簿嶺塵雨過天青同此意
水流雲在是何因遙占歲稔籌車滿更喜官閒筆研親
三泖九峰圖畫裏也須料理苦吟身

大滄山房詩卷五

三

又和舟中早發擬遊太湖元韻

清曉推篷潑眼新水光山翠遠迎人秋涼漸覺宦情澹
意慙惟耽詩味真閱世已深同看奔勤民無暇更憂貧
具區浩蕩塵襟豁漫擬吳興賦白蘋

八月初三日仁圃郡伯同遊花步園復放舟山塘
敘飲用水雲亭第二詩元韻

行廚款我到深更物外清遊共暢襟花步客來原不速
山塘權轉亦無心月華最好初三夜詩韻重拈十二侵
夢繞水雲庭畔路推敲一字費沈吟

仁圃郡伯水雲亭詩初稟有初秋人見月華親句

極爲新穎後以通體不稱刪去余甚惜之因賦一
詩

蛻來風露意清新妙悟從天結淨因采入吾家詩話裏
初秋人見月華親

和董琢卿吾與菴探梅韻

山中香逗臘中梅漸引詩人得得來悟到聰明冰雪淨
始知桃李是麤才

我見澄公手種梅花時合著我同來披雲堂下巡檐索
微笑依稀老辨才

猶記青蓮菴裏梅花時茶具入山來百年枯倒無人問

大滌山房詩錄卷五

三

可惜盤盤是大才

寒衣

豈曰無衣風雪侵山肩高聳氣蕭森搜來盡篋情無柰
贈到緜袍感自深一綫光陰慈母淚三更刀尺美人心
寄書莫訝經年達力盡梧桐樹下砧

寒機

記曾軋軋伴書聲忍負篝燈一夜明何苦將縑還比素
漫甘同夢到殘更鬢絲如許和愁織離緒無端觸手生
盼斷銀河支片石七襄終擬報章成

寒琴

天寒琴德鎮惛惛攫醒聲中冰雪侵斗室靜調才子氣
梅花韻入古人心香溫茶熟情何綺木落山空思自沈
坐對希文殊澹泊履霜一闕有知音

陳百泉太守見餉青果白菜賦酬

品高丹荔黃柑上落落登盤歲已寒正味森嚴符諫果
橘奴隨例漫稱官

黃芽茶味澹而腴比較園菘品自殊我輩閉門須手種
任他糧艘供官廚

題顧南雅編修畫梅

南雅先生好寫梅前身香雪海中來圖成沒骨江南派

忽見杈枒有此才

和琢卿見懷韻

騷壇公等在甚矣歎吾衰春皺分牙慧冬烘說夢癡酒
邊懷舊伴枕上覓新詩儻許拈題寄無嫌得句遲

霽山席次拈得燻栗臘八粥

釜聲堀堞塵中轢香氣衝衙口外披氈是放翁忘不得

汴京風味李和兒

老學齋筆記汴京李和兒以燻栗得名霽山長君官河南故云

煮粥調錫香積廚攪來棗栗更清腴吳門佛子誰分餉
年例山妻供一盂

天寒李硯雲明府海城遺愛圖

我哭朱侯淚漬襟

朱南臺司馬

海城遺愛感還深好官到處

輿情協莫道吳兒木石心

鳩杖篠簪傳畫本鶴沙鳧鳥想神遊平生齒冷香山白

五馬惟誇翠黛留

卽事有感非敢訾議先賢也

俎豆千秋士論孚差欣吾道未曾孤何當更倩王蒙筆

爲寫新陽泣別圖

前宰新陽多惠政邑紳王君椒畦借諸士庶籲請祠祀王以畫名故云

王秋海石湖泛月圖

虎邱山下人如蟻醉月中秋妓舫多洗卻吳儂脂粉氣
早來此地話煙波

石湖那比鴛湖勝一塔檣雲指上方月色荒寒摹不盡

大滌山房詩錄卷五

五

半歸畫幘半詩囊

頭銜新署稜伽衲淚灑松楸歲一回丙舍墓田如辦得
梅花時節遲君來

有懷宋仁圃郡伯

書至憐同病天寒思不勝多情生白髮有味話青鐙宦
局忙於弈詩懷澹到僧一鑪香自禱六出早飛騰

歲莫口占

南枝消息探還賒隱約前邨臘鼓譁寂抱冬心方澹泊
喚回春夢便繁華癡兒壓歲分蠻榼新婦迎年點繡茶
八十慈親虔奉佛一盂清供水僊花

中年生計感蹉跎，何有無輒奈何。如願幾曾呼爨婢，
乃安從不祀牀婆。萍蓬身世歡悰少，柴米夫妻舊話多。
揜袖依然相料理，添薪差免屢屢歌。

陸機昔畔，柳湖濱。一片閒雲幾度春。夢逐煙波聊泛宅，

飲聯文字亦前因。漫思鱸膾稱高士，未免豬肝累故人。

書報東軒懸榻久，燒燈時節韭芽新。宋仁圖太守訂春盤之敘

病餘支枕已經旬，指日青紅照眼新。嬾到土牛鞭不起，

歡迎竹馬跨來頻。魏慶軒中丞巡撫吳中時將莅任鶴言冷甚堯年雪

鳳詔祥開禹甸春，元紀道光天子聖。鑪香一炷祝

楓宸

大滌山房詩錄卷五

五

題鄭雪樵上舍詩卷

感深師友卅年中，北海欣逢鄭小同。一卷新詩家學舊，
吞松閣下企清風。

大滌山房詩錄卷五終

蘇州青霞齋
吳中雪樵

大滌山房詩錄卷六

吳縣 張吉安 迪民

道光紀元歲朝試筆和李子僊韻

晴開閭闔五雲天有脚春來彩杖先身際三朝全盛

日道光御製初御乾清宮聽政詩一德彌子成繼序山中爆

竹皆占喜林下梅花亦鬪妍四海共傳寬大詔那容

桑孔計緡錢

王忌菴折枝紅豆花圖有序

康熙戊午東禪寺紅豆復花盛如癸丑寺僧懷公折

一枝并筍一束贈王忌菴忌菴為作是圖後寺僧道

大滌山房詩錄卷六

微以是卷歸匠門先生因題三絕并邀朱竹垞徐畏

壘高層雲諸公聯句紀事今歸毛君叔美道光辛巳

元夕後一日同李子僊奉訪叔美出示此卷子僊前

題一絕意有未盡屬為繼聲安以先大父出匠門先

生門下回首祖庭卷中題畫諸公半系當時執友因

假歸屬王椒畦別摹副本畱孝廉船中一重公案而

子僊已於三月二十七日萎化因次其韻成詩五首

閱世漸空香色味銜杯還品畫書詩匠門門下清芬誦

續續禪鐙印祖師

無復東禪覓故枝圖中賴有數公詩一花一劫渾饒舌

此意誰參白鴿師

目存寫本是分枝二百名家為賦詩惠研谿先生紅豆新居即東禪分本

目存上人寫圖自題絕句十首和者二百餘家若向研谿傳絕學小毛公合號

經師

特倩椒畦仿一枝我家故事入新詩老天不斷相思種

先後王郎作畫師

李五俄驚玉折枝為君揮淚和君詩文人慧業曇花現

朱十當年是導師

屬椒畦再摹一本寄陳子雅表弟京師用匠門先

生韻三首

大滌山房詩錄卷六

二

有外孫傳絕妙詞先人手澤倍堪思子雅曾大父彥瑜先生為匠門先生

女夫卷中亦有題句白頭我亦彈紅淚不寄長安寄阿誰

大雅扶輪秀水翁小軒吟賞幾春風夕陽目斷潮生閣

橋下潺潺水自東橋下小軒潮生閣皆匠門先生書室

吟紅最苦絮黏泥疎疎臨風續舊題又是江南燒筍節

綠陰庭院子規嘯

和陸希齋見懷韻

大筆淋漓擬墨王近年風骨太蒼蒼人誇一字三緘值

我拜雙魚什襲藏莫歎巢痕移便埽須防門限踏來忙

君才畢竟為時用杜句暫住茶鑪酒盞有

王春波美人春起圖

喚春聲裏養花天一碧紗窗一抹煙瘦甚鬢支垂柳鞦
可能三起又三眠

阿儂是否住長干折取花枝恣意看料是五羊城裏客
不知庭院怯春寒

贈澹公集杜

身許雙峰寺山歸萬古春開顏憩亭沼回首望松筠訪
舊半爲鬼如公復幾人願聞第一義消息苦難真

呂萊民不昏娶敦孝友好山水六十外可步行三
十里雖居城市不習市語世徒以弈知之則謂之

太滌山房壽錄卷六

三

隱於弈也可若毘陵朱青笠之於畫山陰李柯谿
之於書皆其寄焉者也目爲南濠三隱各贈一詩
葆得天眞骨自奇圖中戴笠想風儀我生苦惱緣昏宦
不獨輸君一著碁

卅載神交未款扉呂翁牀下認依稀雲煙過眼渾閒事
心折江南兩布衣

北郭漸稀同社酒南濠尙有讀書燈挂名朝籍身居市
心是空山苦行僧

陸園讌賞牡丹晤毛意香翼日以詩見貽次荅兼
簡徐澹安

揮灑人間筆一枝相逢各各認須眉自知白髮非春事
杜句偶泥紅情向晚時結習那能除綺語寫圖只合買燕
脂似聞文室維摩詰只斷貪嗔不斷癡

四月十日陳百泉太守枉顧草堂因畱共飯時鄰
園牡丹盛開同步往觀百泉拈難得清閒猶健飯

渾忘富貴卻看花句翼日出試研圖屬題因續前
韻率成一律書諸卷尾

角巾歸第鬢絲斜時過茅堂酒可賒難得清閒猶健飯
渾忘富貴卻看花淋漓起草三千牘慷慨譚兵五十家
盾鼻磨穿還試研綠天深處爛紅霞

大滌山房詩錄卷六

四

贈姜小枚

頻年蹤迹帶雲閒枚叔風流數往還正喜陽春來有腳
不因廣廈始歡顏才人入幕聲名大我輩譚詩氣味閒
三月吳閭好時節公餘且上郡西山

馮百史明府偶讀遺山陶潛貧裏營三徑句感賦

長句寄示次韻

陶潛貧裏營三徑誰爲先生築一椽穿冢石湖欣得地
買田陽羨定何年清風明月原無價鐘鼎山林各有緣
遷擢卽今多不次豫州努力著先鞭

端午日琢卿以蠶里月餅洞庭枇杷見惠并系二

詩次韻申謝

俞鳴查灣深復深感懷吾祖白華吟曾大母性嗜此果

志痛眼明翠籠勻圓寫一顆珍於一寸金大父集中白華篇也

江城茶食品芳妍滴粉搓酥五日筵解糗光陰還說餅

楚騷粗糗入新篇

海虞舟次

山勢半城壓峰標一塔尊潮回鰓妾岸雲攤馬婆墩簫

鼓叢祠鬧桑麻比戶繁連朝甘雨足豐稔報邨邨

中秋海虞公署席次呈仁圃觀察

東南財賦首蘇松特重均輸轉漕功天鑿葵心惟致

太滌山房蠹卷六

五

主事當棘手又煩公香浮金粟秋剛半稻熟紅蓮歲屢

豐為報隨車甘雨足歡騰蔀屋口碑同

維摩寺

石磴盤盤上維摩古寺幽參天千尺樹觀海一層樓境

寂心無礙秋高興亦適老僧何局促對客迴含愁

興福禪院卽唐時破山寺次常尉詩韻

偶來興福院本是古香林處處花龕引叢叢竹徑深筍

蔬禪有味時性初上人螺蛤嗜何心東坡詩語歐公聯

是猶厭芻豢拈出唐賢韻風鈴空際音嗜常尉破山寺詩

興福寺壁上見吳竹橋祠部遺墨次韻志感

忽見故人墨平生結契微吾纔來勝地君早遂初衣韻
語金荃集才名玉帶圍卅年彈指過淨土合依歸

集石梅僊館喜晤錢亦癡走筆奉贈兼寄王愚谿

王師竹浙江

一櫂江南邨葉黃石梅僊館燭分光清譚便抵新詩妙
老圃彌珍晚節香浩蕩江湖深歲月飄蕭須鬢點星霜
故人問訊欣無恙薄醉臨風更舉觴
擾擾膠膠耳畔風苦心畢竟見良工廿年官局升沈判
兩浙神交今昔同太白浮來拇陳裏小紅泥入眼波中
敢誇陶令閒情賦郊島吟成卻耐窮

大滌山房詩錄卷六

六

蕘翁以竹翁所餉佛手柑轉餉榕翁口占四絕隨
手拈來頭頭是道合十贊歎因拈七偈

佛手禪心印三松五柳同有香兼有色接引兩詩翁
去來緣不斷人我相都忘妙手空空處涪翁句子香
觸背拳頭話宗門公案翻莫疑獨學老無佛處稱尊
八萬有四千我聞亦如是拈此扣榕翁跳出五獅子
指佛與拈花著相成枝葉喜捨故常存受用多羅蜜
我亦有瓜葛是柑余得之沈君月枝轉餉竹翁者西來東復東萬緣一撒

手誰認主人翁

禪怕口頭滑香參鼻觀先秋光一彈指更證木犀禪

堯翁復出傳柑圖屬題

吾宗鐵瓢子，夙世喻彌陀。畫手作功德，繇輒如兜羅。

新婦僊根李，僊宗印畫禪。掌珠曾捧出，自小阿翁憐。定

爲子僊孝廉女
十年前曾見之

和徐山民見懷韻

曾記谿堂奉一卮，爲聯舊雨訂新知。浙西我幸抽身早

城北公嫌識面遲。茶竈筆牀轉徙處，葭蒼白露瀉河時。

子僊僊去同揮涕，鏡裏霜痕又幾絲。山民已卯冬與子
德願訪草堂卽席

賦詩訂交今子
德已下世矣

中秋與王禮門置酒話舊集杜

大滄山房詩錄卷六

七

今夕復何夕，高秋此日生。關山同一照，心迹喜雙清。誰

是清雲器，永懷丹鳳城。草堂尊酒在，堅坐看君傾。

吾舅盡知名，家聲庶已存。開襟仰內弟，相遇卽諸昆。今

日看天意，誰能叫帝聞。憑將百錢卜，爛漫倒芳尊。

鄒確齋紅樹山莊圖

少年學劍覓封侯，趙北燕南恣意遊。今日移家圖畫裏

萍蓬蹤迹話從頭。

吾賦歸田已廿年，草心一寸綠芊絳。朝衫脫去萊衣著

同豔斜陽楓葉天。

貝潛谷贈公遺像

春風桃鴨屢開筵仰誦清芬奕葉緜碩德如公光節孝
通家到我識曾元鄉中圭臬推三老畫裏須眉又百年
手澤長新重話舊一回展卷一潸然安少時隨先公侍
飲職思堂中蒙雪
膳丈青盼每一念及
疎然如侍左右時也

秋螢集杜

一別五秋螢無心雲母屏客閒頭最白相見眼終青玉
露溥清影銀河倒列星飄飄何所似浩蕩逐流萍

黃蕘圃主政琴川詩夢圖

有序

道光辛巳秋有重修郡志之舉石琢翁潘芝翁實主
其事蕘翁亦與纂修之列九月訪書至虞山夜泊城

大滌山房詩錄卷六

八

外夢與石潘二公譚詩有不使閒情管落花之句醒
而續成一絕寫景索題

月色空濛水一涯檣枝搖夢落誰家無端拾得清新句
文字因緣智慧花

潘江才竝海無涯蠟燭頻番翦石家江夏多情圖主客
圓成詩夢筆生花

知也無涯生有涯年來泛宅水爲家心空及第譚何易
我是人間墜溷花

誰從煙海問津涯復見心翁賞鑑家莫被虞山瞞過了
絳雲萬卷亦空花

紅日搏桑照海涯
雲蒸五色列僊家
夢回合同癡人說
一帶隨身掃落花

著述千秋詎有涯
攜掃佛苑又僊家
文章事業推公等
贖我閒情管落花

余分纂
方外

五柳園席次和劉金門侍郎韻

相看各各脫朝衫
往事回頭夢碧巉
笑指此中惟飲酒
一杯自渡不須帆

和金門見懷元韻

書妙顏筋瘦入鷹
一絨珍重感難勝
肺肝依舊杈枒出
須鬢何嫌霜雪增
史筆公兼歐與薛

時補註
五代史

禪門我證

太滌山房詩錄卷六

九

秀和能歲寒盟在圍
鑪話石丈端推耐久
朋

盤雲老鶴脫鞵鷹
海闊天空樂不勝
準擬劇譚排日醉
欣看盛事與年增
安心直到三無礙
諸俗其如百不能
承叔歸田編一集
儘呼鷗鷺當吟朋

贈雪齋上人四首 有序

嘉慶癸酉春同椒畦過船山寓齋見方外詩一冊內
有倚竹一身綠看山雙眼青十字特爲拈出初未知
爲雪齋也庚辰冬黃蘗翁以竹嶼吟秋卷索題漫與
一詩亦未之及道光辛巳初冬雪齋顧訪錄示近作
竝道前事時船山下世已七載矣椒畦歸崑山蹤迹

亦疏歎茗話舊歎息彌襟因贈以船山詩一冊爲賦

五律四章

倚竹一身綠看山雙眼青三人心莫逆十字妙通靈花

步園空到椒畦來郡藥菴門久扃船山寓吳蒙師遠相

訪叢菊尙盈庭自署藥菴

苦吟秋更瘦展卷竹青青曾是吾題句未從師乞靈茶

甌欣共語苔徑向來扃贈以船山集心香透祖庭

垂垂頭欲白得得眼還青所住無喧寂其詩有性靈幾

人逃世網約我叩禪扃取次楓林赤昨宵霜滿庭

佛髻滄波灘焦山一氣青好攜竹嶼卷同拜草堂靈鶴

大滌山房詩錄卷六

十

瘞銘猶在松寥閣未扃何緣悟頑石虎阜古禪庭近寓虎邱

怡賢寺

遠塵上人倒用前韻見贈次答

相見了無語蕭蕭葉滿庭忘機將近道善閉不須扃境

寂空諸妄詩清印四靈阿婆心自切雙眼爲誰青

遠塵心自遠遲我踏松庭詩債臺難避禪空戶不扃有

情皆眷屬得氣卽精靈畱一蒲團地龕鐙永夜青

寒夜不寐默數方外諸友存沒關心疊前韻

默數山中友熏修各戶庭瓣香寒石續澄谷一號寒石

其精舍岳峰局岳峰自獅林退雲澗聞根淨澗孫心誠能守

法院住聞思菴十復遊京

師惟兩耳重聽
遠塵訂
支硎春有約同看佛頭青

安得諸尊宿重來話一庭
達初雞籠占達初主餘杭雞籠山石雲菴

會一鳳巢局會一即萊鳳巢陽
澄谷歸雲隱澄谷退歸吾與山舟學士贈以隱谷

歸雲四字
心舟入夢靈小顛一號心舟
名山隨處好終古青青

雪齋上人尋梅招鶴圖

吟殘官閣梅初瘦遊到揚州鶴不肥
我為阿師開畫幘

四圍香雪一輪飛

梅花孤冷香原澹鶴性蕭閒夢亦無
一著相時多是障

笑他梅鶴當妻孥

大滌山房詩錄卷六

和王禮門內弟述懷韻

滿腔熱血灑名場噩夢回頭話亦長
那有盜魁憐李涉

漫勞女子識韓康百錢市隱垂簾卜一卷家藏辟穀方

外舅撲莊先生著有辟穀方注
翼嘗申申心自苦佩蘭服艾孰為香

少年拔幟占詞場氣吐虹霓萬丈周甲光陰驚歲晚

零丁身世祝時康杜門且任輪生角納鑿何嫌柄太方

破紙堆中絲舊澤詩書滋味菜根香

營營最苦利名場冷澹生涯趣自長
婦女知書貧亦樂

子孫逢吉體其康良朋羊仲兼求仲
難弟元方又季方

四姓吳中推顧陸一雙玉潤飲名香
君婿顧桂舟陸方山兩生均以文學

有名
於時

臘月才過選佛場粥分齋鉢日初長雁鴻徧地謀安集
蟋蟀誰家念太康郭容曲高賡下里侏儒粟飽笑東方
瓦盆採取春消息珍重寒梅雪裏香

蕘翁見餉雪後菜心并系以詩次韻爲酬

涪翁曾說味須知難得蕘翁裹橐遺一箸芳鮮風露飽
士夫何苦刮民脂

春寒我意比枯蓼多感華風噓拂來詩寄兩章心一寸
澹中滋味妙於回

送嘯谿上人之江右兼簡劉金門侍郎

大滌山房詩錄卷六

五

七葉詩鐙續禪門有此才腳跟江左徧毛孔孔嶺南開異
地仍浮梗同岑幸有苔心欽劉越石一錫又飛來

贈貝簡香

累世通家好頻年結契深澹交方有味叩寂得知音室
奉先賢像鐙傳古佛心我今志方外相約訪禪林

復翁以詩訂遊西山會余因事未果次答二首

山寺黃梅雨無緣對榻聽終朝惟習嬾一月不曾醒鳴
蜚將嘶柳跳魚又闖萍多情詩眷屬雙井片雲停

在家僧自在畢竟累塵勞我坐觀天小君應見地高拈
詩都是偈到岸不須舫著作皆功德千枝禿兔豪

談貧巖觀妙圖

道一生二二生三三生萬物天地參萬有一千五百二十數一一太極圖中函太極圖孕苞符希夷元公各有得大道不判僊與儒支離末學成聚訟墮驢有客方葫蘆貧巖儒者家學劭兼探大洞真元妙年開八秩寫此圖元牝之門抉其奧鍊精化氣氣化神嬰兒姤女若前導我今學道計相左僊乎儒乎無一可禮門卜易契天人索我題詩還酌我詩拈一句酒一杯中有僊人混沌譜

題盟蘭山館圖

有序

大滌山房詩錄卷六

三

嘉慶丁丑冬同王椒畦典簿訪朱紫瀾主政於盟蘭山館款敘竟日椒畦爲作是圖余用家荔園學博詩韻賦贈一詩道光壬午閏三月紫瀾北上枉顧草堂話別出示前卷索書因疊前韻

日日看雲出岫忙聯來情話過谿堂盟蘭舊夢披吟卷贈芍新詩取斷章臣里長安開口笑師門小住奉心香

主政爲吳靄人學士高足

明春拜賜櫻桃宴老我江干也拍張

山閣看雲圖次榕翁韻

在家心出家諸趣一喧寂蒲團繡佛龕舍此復奚適心師得得來憫我住火宅過眼盡雲煙彈指悟今昔白衣

化蒼狗展卷亦陳迹衆生飢火燒如何獨面壁不斷木
魚聲慈雲澍甘澤

又題三絕

披雲堂上大歸依倚閣看雲善者機起滅心忘真自在
白雲泉共白雲飛

佛子從來願力宏華嚴樓閣現虛空從今耳目皆清曠

早起看雲夜聽鐘

新建鐘樓

僧自看雲我看圖圖中雲氣半模糊陸贄近悟觀空法

萬壘雲山一字無

圖爲陸鐵簡作耳
韓日甚不復作詩

譚雨香明府棠蔭畱憩圖次唐陶山方伯韻

大滌山房詩錄卷六

古

少宰理學通天人及物有腳蒸陽春雨香邑侯承世澤
學道有得清而淳公餘過我意良厚甲戌之夏泖水濱
頻年繁劇歷數縣瘡痍觸目滋酸辛催科兼卹病民病
撫字一體循吏循心乎民者曰父母求之兩漢龔黃倫
書上上攷不色喜聞來話舊如飲醇海塢赤子非真諛
我辭拙直存其真九龍山前久引領慧泉一勺皆前因
佇看甘雨隨車澍珍重簿書叢裏身

復翁見示秋懷四律極爲警策率題一詩時新病
初起自覺詩腸枯澀也

薄病纏絲氣不適娟娟風露入新秋如何黃憲破千頃

也擬張衡詠四愁雲度天香宜散步山迎朝爽合登樓
況當周甲開詩讌鶴壽應添海屋籌

復翁和詩見示因疊前韻

新詩脫口氣何適想見先生曾次秋若箇六句臚四代
直須一酌散千愁江湖浩蕩先回櫂身世蒼茫獨倚樓
近局追歡文字飲拈來寸管勝持籌

八月五日鶴壽堂雅集次復翁韻

桂林香動菊含英鶴壽堂開鷗鷺盟羣紀交游惟戀舊
蘇程兄弟本多情時流高論賈三倍我輩清譚僕屢更
罰酒卻愁金谷例未曾把瓊句先成

復翁卽席詩成

大滌山房詩錄卷六

五

喜抱重孫已六年才周花甲共欣然牡丹漫入雌黃品
四簋麤饋一飯緣詩悟涪翁都見道興豪石丈早呼僊
自嫌不覓安心藥枉讀靈蘭八十篇

吾與菴起建鐘樓賦詩落成

彈指一重樓潮音出上頭三千香界肅百八戒珠周夢
覺天初曉山空韻自幽我來橋下聽谿水定西流

毛訥菴丈見貽白秋海棠一盞報以花露兩罌勝

詩一律

一白澹如此娟娟媚海棠素姿空俗豔翠袖怯新涼病
客經秋鬢詩翁沁雪腸殷勤何以報花露浣衣香

和潘榕皋丈重過賓興述懷元韻

久弊榮祿遂初衣

李青蓮句

漫賦閒居託意微積學望深欽

梓里半生心肯負苔磯怡情嶺上雲誰贈笑指鑪中汞
不飛忽報賓興周甲子 天書五色絢秋闈

累葉簪纓拜 寵光廚分堂饌大官湯鐘鳴東序無凡
響笙補南陔第幾章問字停車來不速尙書進履日方
長繞除舞彩皆宮錦足後青雲又倚裳

手持東海釣鼇竿題壁焦山照影寒塾室安神僊佛契
鳳池還我弟兄歡 三朝耆舊兼三絕二老風流并二
難同榜適來余學士 秋滄江白髮夢 金鑿

大滄山房詩卷六

六

天將先覺覺斯民士氣雲蒸躡後塵桃李成陰都結子
桂薑有味在餘辛東西階列衣冠肅上下堂分笙磬鈞
說與榜中龍虎輩老人星現宰官身

經傳千佛佛傳衣手自拈花笑亦微前度虎林喧看榜
者番燕子試登磯互誇江浙浙人文瑞同隊松喬步履飛
稠疊 恩綸 天上至秋闈晉秩又春闈

聖主賢臣道大光沐來 膏澤沐蘭湯僊家原有還嬰
訣 盛世重賡旣醉章鳳閣禮推前輩老鯉門話亦七
科長賓雲一曲曾孫宴霞帔星冠織錦裳

一息機關百尺竿三松庭院韻高寒禹糧堯韭羅僊品

周鼎商彝結古歡，鸞生來爲世瑞。鴛鴦繡出度人難，
告天五夜鑪香熱，煙篆依稀繞玉鑾。

上行先生太古民，天懷浩浩本無塵。何心科舉逢重午，
恰喜文章耐受辛。露被蘭皋滋帝澤，風清松館奏韶
鈞。佇看九秩瓊林宴，早證金剛不壞身。

和蔡香城學博自輓韻

猶記乾隆丁未歲，公車逐隊五人同。周實蘭雪根郭垂
晚泉及君與余垂頭白空餘我淚灑，西風夕照中。

比歲來城酒不空，白公隄畔我還同。者番畱別多情甚，
活脫須眉到眼中。

大滌山房詩錄卷六

七

蔡僊鄉裏著閒身，七十年來始返眞。若遇麻姑須訊問，
蓬萊清淺幾揚塵。

明月當空身外身，不妨吾自見吾眞。若論永斷娑婆界，
此竟終愁隔一塵。

姜小枚信宿谿堂連日擘蟹用坡公岐亭詩韻賦
詩見贈次荅二首

霜信老芙蓉，蟹肥薑擣汁。寒蒲縛幾輩，帶水拖泥溼。詩
人住圓泖，風味江湖得。所嗜亦從同，相煎弗嫌急。負殼
等蚶蠣，拘項異鸞鴨。落落琴聲稀，星星茶眼冪。試探湯
火紅，差免刀砧赤。入口滿雌黃，澆腸浮大白。覆君掌中

杯脫我頭上幘一詩兩尖團珠瀉鮫人泣快意屠門嚼
擊節唾壺缺君才枚馬竝昨夢都亭客文章定橫行吾
詩附君集

吾衰君善病米汁兼茗汁二者去何先水厄茶尤溼今
當重九節一醉豈易得橋頭籩蟹多廚下擣薑急濡醬
旣無羊壓糟亦少鴨菊莢聊綴景蔬果不須罍高燒雙
炬紅照見滿盤赤酒澆魂壘胃抑塞爲之白吾今百念
灰髮禿不盈幘逃來醉裏禪想到釜中泣口腹嗜何窮
食單此可缺翦韭兼烹葵亦足款佳客霜菘晚更腴乘
興時來集

大滄山房詩錄卷六

七

星巖弟逢僧竹院圖

金昌市上久藏身溷迹南濠撲面塵得半日閒無量福
好從竹院證前因

我亦年來修淨業禪房茶話畫圖成右丞句子同拈出
無著天親弟與兄

黃蕘翁聞木犀香圖次榕翁韻

問梅公案何時了聞木犀香又繪圖無盡禪鐙詩話續
那能文字語言無

自昔晦堂眞佛子于今山谷有詩孫

黃仲則得山
谷詩孫印

天香

深處天然衲

榕翁自號
天然頭陀

直指維摩不二門

和遠塵白雲泉詩卽用香山韻

此是天平功德泉山齋瓶鉢供清閒試看出岫雲千片
果否爲霖到世閒
涓涓一綫竹通泉唐宋元明亦等閒舊韻重拈分法乳
白公終古在人閒
無須天下品名泉且與山僧鬪一閒若把趙州公案續
碧雲滄起翠微閒

題萋翁畫扇

釋子如蜂子天香一背馱端知雙井老秋夢滿巖阿
秋熱年來酷蒸成八月天且麾名士扇莫證老婆禪

大澹山房詩錄卷六

九

辛巳嘉平雪齋上人以詩稟屬爲刪定久未報命
恩恩又逼歲除矣新病初起訶凍點定亦慧命中
了一大負也率題一詩兼簡遠塵時壬午臘八後
一日

歲除清淨債欲避苦無臺東筆恩恩了寒梅的的開病
深孤藥力僧老入詩材爲語寶林長助子張目來

黃飲魚秀才蘭徵圖和榕翁韻

復老飛騰莫景斜同堂四世最清華庭階徧種科名草
先報春風第一花

畫手陶三筠淡墨斜玉蘭堂派氣清華偶拈佳句成詩

識筆底開來夢裏花

指日慈恩插帽斜文章瑞世有光華爲言阿母冰霜歷
暉報三春 誥五花

歎息僊翁雪鬢斜生來嬌女擅才華春風渲染誇夫婿
及第花爲稱意花

同人結問梅詩社邀余入會時將有武林之役遂
爾不果適竹堂分餉尊羹卽次社中食尊詩韻爲

酬兼柬同社諸君

尊羹合號吾家菜生長鱸鄉嗜好同北郭才原推四傑
西湖味敢傲諸公餉來竹老詩應補問到梅花夢已空

大滌山房詩錄卷六

三

俗物不嫌敗人意續餐英會遲秋風

贈彭毓圃明府

二月西湖香市開六橋三笠儘衰哀白頭兄弟重攜手
只當靈山禮佛來

醒來隨處是邯鄲天下無如喫飯難果否水晶鹽有味

官途嘗徧苦辛酸

君官身程被議後經理鹽務

照眼琳琅窗几前梁書山奚畫鐵取攜便通靈最是青

藤冊脫贈珍於十萬錢

曹翼堂鏡花水月圖

一瞋壞百善一惡降衆魔善哉吾佛語攝盡諸修羅曹

五晚好道黃面同僧伽頻年賓館共向我長歎嗟川楚
軍興日羣盜紛如麻時方佐戎幕匹馬爭荷戈孤城棗
陽守殺賊功獨多姓名薦牘上時命乘如何功名一炊
黍失手成蹉跎近作諸侯客妾障俱消磨譚往顧破甑
覆轍警前車畫圖聊寫意鏡影拈空花何當十笏地一
句阿彌陀

嘉慶己未攝篆新城十旬受替其中鎖印一月得
理事者兩月耳瀕行士庶餞送郊外用坡公新城
道中詩韻賦詩畱別愬愬二十五年矣今吾鄉吳
君蘭坡適長是邑重修邑志徇紳士請邀余主其

大滄山房詩錄卷八

主

事下榻集賢館喜舊地之重遊諸君之愛我獨摯
也爲賦五律一章時道光癸未三月望日

爲踐新城約重教舊話聯谿聲經雨壯山勢抱城圓名
怕時流逐才慙邑志編句畱仍佛地行腳此前緣館系多福

寺舊址

吳蘭坡明府邀遊百丈山卓爾菴飯碧沼寺賦詩

屬和

陰崖疑護鬼神朝百丈凌雲儼洞霄忽覩慈容全相現
可能毒霧半空消連朝大霧恐妨田禾龍蟠有窟滋泉脈鯨叩何
年振海潮遠想甞江青白氣此才終古歎寥寥

躡足何須最上層，肩輿得度芳塍南。郊勝概青巒鎖，東晉名藍碧沼澄。題壁客畱馴虎字，上堂我是啞羊僧。學僊學佛多苾芻，誰續元公一瓊鐙。

蘭坡招遊賢明山憩廣福院試清心泉

廣福門合

廣福香林自在禪，近遊出郭雨餘天。雙江遺迹南津渡，一塔騰輝東壁聯。

院有連奎塔，昨歲新修。

題額特標開士院，清心

合號使君泉。我來禮佛兼懷古，兩宋詩篇七字傳。

梅菴

下方微雨上方晴，出自東門緩緩行。梅熟話應通佛慧，額題梅子熟矣四字菴荒田已看人耕。詩中有味酸鹹別物外，忘

大滄山房藏卷六

三

機去住輕一路，夕陽邨徑晚谿流。何事不平嗚

重九日百丈山登高

繞郭羣峰萬笏朝，山高百丈矗層霄。石盤獅座雲常護，水煮龍泉雨乍消。落帽風吹重九孟，署名書仿八分潮。疊來險韻題饒節，唱出清吟徹汝寥。

止宿三谿桂馥堂贈洪僊根

連夜清譚桂馥堂，欣看蘭玉滿庭芳。謂漁山雲海昆仲題門合

寫坡公句仁壽橋邊日月長。

氣聚三谿繞碧流，到門歷歷記前游。我無問舍求田意，許臥元龍百尺樓。

茶具攜來試咽泉誰從造化測其然添來數本楓林豔
便爲山林結勝緣

楓林咽泉爲東安八景之一

卽今重訪東柯巷憶昔曾開北海樽世事榮枯眞一瞬
清芬世守到曾元

過卓立堂賦贈駱紫來

世澤東陽溯駱丞南新子姓尙雲蒸桑麻雞犬皆僂意
何必桃源屬武陵

先德儀容畫幀開繞庭蘭玉儘滋培此生識面無嫌晚
已見君家七代來

游山到處結僂緣拜石還教學米顛難得君家好兒子

大滌山房詩錄卷六

三

數峰剡自洞中天

魯山西池昆仲各贈數峰

西挹白雲三九洞東來紫氣五千言繞山盡是延年藥
種德根深蔭一門

洪雪山贈黃精賦酬

漫擬獅頭尋紫朮卻攜雅芻刷黃精拍肩欣與洪崖遇
點鬢何愁白雪侵

寶林和尚墨梅

昔年曾見寶林梅今日重教畫幀開滿紙白雲香入夢
我從三九洞中來

煮石山農筆力適天機清妙此中求明春若果探梅約

萬斛香浮九里洲

冒雨登青牛嶺循多福寺

青牛勝迹記坡僊我後公來七百年卻怪蘇詩成讖語
還衝細雨到山前
籃輿扶上白雲堆轉翠盤青眼界開羅列峰巒環足底
身經三十六灣來

黃昏到寺景模糊燈火蕭然香積廚一夜如聞龍象泣

啞羊僧是牧豬奴

寺僧畜豬終夜
啾啾不能成寐

曉看門外數株松漫剔殘碑訪古蹤一事到來差快意
茫茫雲海盪心胷

大滌山房詩錄卷六

十四

白雲洞

白雲洞古住羣僊高嶺盤盤蟻磨旋石破天驚逗秋雨
鑿開混沌自何年

上透天光成石屋下通地脈斲雲根此中空洞元無物
任客來遊不閉門

青牛嶺和坡公韻

趙安橋外沿沙塘鼻孔如水旃檀香輿了推挽上高嶺
澗水潺潺喧亦靜上方鐘磬下方聞吾爲帶水拖泥人
坡僊遺墨龍騰去還覓坡僊題句處

訪徐石羊先生故里裔孫文光思敬畱宿閉居室

石羊故里我畱連
慨想高風五百年
春盎山中雲族盛
文章氣節一門全

來往桐江自在身
當年屈蠖不求伸
誰知龍戰元黃日
寂歷空山大有人

指點文成回馬日
我編邑志寓賢尊
石門遺像曾瞻拜
未到南田訪子孫

多感君家古誼聯
杯盤羅列話纏綿
一宵夢穩閒居室
我已閒居十四年

洪雪坨孝廉墨梅

三絕生前爭共仰
一星曙後劇堪憐
展圖招得芳魂返

大滄山房詩錄卷六

五

疏影橫斜十四年

題沈鏞菴詩稿

東安風雅數東陽
忽漫相逢意味長
半世交游聯兩浙

一編詩句集三唐
詩多集唐夢中幻境隍藏鹿山裏
僂蹤石

叱羊文字因緣通
夙慧他時話雨人
堂

新築軒名

別蔣典廷

蔣導吾舊識廿載
各風塵詩酒蕭閒地
江湖落拓身耳
空羣籟寂須拂萬花
春苦語臨岐贈高堂
有老親

用唐人句

畱別新城諸紳士
疊次蘇公新城道中韻

二十五年復此行
擢歌聲裏洽歡聲
藍巖瑞應連奎塔

昨歲重修連奎塔爲今科綠渚靈承賽社鉅綠渚周孝子祠香火

袁藍巖進士登第之兆局設集賢館余顏所居室曰重與論文齋石泉瀾茗共

心清蘭坡明府屢邀至廣福院試清心泉館欣逢敬學師儒重經

訓苗畚足代耕富陽吳丹岡進士主講會文書院才士雲蒸

志乘如何率臆行前修況已樹風聲萬歷初邑人方可空修志吾鄉周公

與其事鑄成一錯難鎔鐵靜彼羣譁漫擊鉅桐峴邨

疑桐嶺接葛僊井引葛谿清要知善善從長處心地滋

培方寸耕

徐澹安以桐江泛櫂圖乞題久未屬稟適新城歸

櫂展卷蓬窗遂用坡公煙江疊嶂圖詩韻走筆率

大滙山房詩錄卷六

美

題

富春江上排層山大癡粉本空雲煙今我看山兼讀畫

浮巒暖翠然乎然此本毘陵朱老昂之筆妙特過奚蒙

泉奚岡亦澹安徐君有僊骨脚底無數名山川蓬萊采

藥忽小滴每探靈境疑生前桐江倚櫂詫奇絕推蓬幻

出壺中天畫肩聲裏餐蛾綠山容轉側百態妍桐君天

際若招手繞山種徧萑蒲田茯苓如斗芝成葢多君美

意能延年一聲柔櫓夢初醒松風謾謾秋娟娟爲摹長

卷印鴻爪臥遊髯鬚船唇眠先生活人以萬計行地何

必非神僊丹臺石室早注籍銅甌雪海還隨綠卻教宦

海抽帆客來和煙江疊嶂篇

晉任城太守孫夫人碑為江秬香學博題

分書典午半摧殘是帖形模漢魏看洵合於齋題寶晉

從來此事本推袁光騰詞伯珉嬛館阮芸臺官保山左金石志以此碑為

晉錄第一氣壓先生首荷盤金石搜羅山左徧讀書中秘到

文瀾

奠小顛和尚墓

敲斷南屏向晚鐘登臨山舫失慈容新吟別後無多子

公案翻來又幾重一法不傳如雪嶠百年相對此雷峰

詩壇七代鐙誰續人種空教渡濟宗

大滌山房詩錄卷六

七

幾番把棧萬峰菴曾許眞如醉裏參人道惠洪成浪子

師過吳江有最憐十四橋頭水曾照娉婷一小我欽秘

紅之句張舸齋司馬以為飛狹綺語集中刪去演是奇男因緣事大三杯酒及第心空一昔譚今日淚

痕和米汁澆來能否十分酣

贈西齋先生時同客浙江都轉署齋

忽漫相逢款款情連宵翦燭武林城依然譚笑能罷卻

同是煙波鷗鷺盟九十風光團扇畫五更詩句枕函成

來年重放西湖權星彩弧南分外明

湯納時先生授經圖

初白菴中老弟兄授經敬業各垂名即今畫裏清芬挹

孫復生孫攤百城

紫雲山下昔曾經繞砌羅生帶草青他日拏舟梅里去
夕陽還訪曝書亭

寄懷馮百史明府

別後青青鬢尙新眼看宦海幾揚塵不隨舐鼎升天去
還訪桐君藥草春
今我重尋昭諫里句留筆墨亦前因來年儻謁方三拜
九里同探雪裏春

舟次同嚴夢華作

愁從羅損詩中掃景向黃癡畫裏看如此近游原不惡

大滌山房詩錄卷六

六

直須冰雪澆心肝

宜雨宜晴數舉杯白蘇隄畔重裘衰
鬢絲如許波如鏡只當匳河照影來

舟次見白菊集杜

遠水兼天淨孤舟泛日斜江城帶素月
秋竹隱疏花白髮絲難理銀壺酒易賒
加餐可扶老不得問丹砂
大滌山房詩錄卷六終



大滌山房詩錄卷七

吳縣 張吉安 迪民

吾與菴鐘樓圖

吾與香林韻事稠心禪居士

張鐵瓢一
字心禪

寫鐘樓證來石

上三生話幻出人閒一幀秋山漚涓涓隨斷續澤家處
處叫鉤輦要知百八聲無盡默坐圓蒲萬籟收

止宿徐西塘草堂集杜

褊性合幽棲清風獨杖藜捲簾惟白水著處認丹梯薄
俗防狸面無心學馬蹏一邱藏曲折回首意猶迷

晚景孤邨僻會心真罕儔幾時占叢竹滿壁畫滄洲茅

大滌山房詩錄卷七

一

屋還堪賦桃源何處求生平爲幽興來往亦風流

誰是長年者吾生亦有涯相知成白首不得問丹砂蒼
竹素所好山林迹未賒祇應與朋好細細酌流霞

飛雨靄而止疏雲斷復行野花隨處發邨徑逐門成爲
問南谿竹還尋北郭生衰顏偶一破因見故人情

題李定之女史紅豆花圖次榕翁韻

慨想康熙戊午時東禪畫臺見來遲此圖直接忘菴本
百卅六年紅一枝

詩老臨風舒錦時分明割取付邱遲海紅合號靈光豆
墨客雲蒸豔一枝

新正廿日夢得二語醒而足成一絕

春寒酸病骨夜雨滴愁心此是何人句朦朧枕上尋

丁竹坪焚香省過圖

百年三萬六千日擾擾膠膠無了時立地誰能諸妄盡
告天贖有寸心知懺除我欲禪宗證修省君真道力持
止止吉祥虛室白庭階玉苗更蘭蕤

壽潘雲浦封翁

大椿歲八千萬木識太古泰山雲膚寸四海仰霖雨巽
峩潘太公德輝照寰宇天下達尊三疇中錫福五斗北
卿雲爛弧南壽星聚春滿鳳池園合樂臚鄉土

大滌山房詩錄卷七

二

公生秉異姿綺歲卽劬學門庭數三陸而獨懷大璞一
窺中秘書便注名山錄醴粹釀太和雙飛金鸞鴛計相
大宗師人望秉鈞軸孝治光 熙朝崇祺仰喬嶽

嘉慶 壽寓開黃封實拜 賜世仰地行僊堂捧 天

題字太和逮今春緜齡益共企攫指采芹年恰值花甲
備文孫薇閣還宮錦嬰兒戲蘭玉羅庭階家祥爲 國

瑞

安昔官餘杭獲向鈴閣趨藉展桑梓敬時奉花竹娛每
歲張壽筵祥靄蒸西湖歸來里黨閒後學遵楷模洛社
與平泉操几鳩杖扶鞠歷敢貢諛庶以揚貞符

竹堂招同春樊葦開蕘圃鐵君集花開草堂讌賞
牡丹卽席次韻

花開雅集養花天把玩韶光也自賢前度竟虛延月舫

前一日春樊招飲以事未起者番便當餞春筵漫呼芍藥聯芳譜多

買燕脂讓少年欲界已空登色界儘容詩老鬪新篇

夏至後三日集五柳園次竹翁韻

大易示姤復太元占虛羸夏至後三日一陰重泉生風
隨船趨送撼樹成秋聲竭來五柳園木革剛敷榮對酒
勦歡緒韓豪鬪僧清我詩敢作鬧黃九同此情煙波逐
身世社外聯鷗盟

大滌山房詩錄卷七

三

訪龍樹菴周忠介公讀書樓

讀書能見性不負此山房三字雲棲小千秋龍樹光死

生吾自了忠孝世相望瞻仰心神肅遺文奉瓣香舊藏公制

藝稟時將付梓

題尤水邨石鈿圖用坡公元韻

流傳石鈿煮名泉鼎腹彭亨量自寬爲話坡僊人意歷
若論周種我心寒金環宛轉天然合畫筆淋漓墨未乾
曾與竹鑪邀睿賞求人以實恐難安

題朱笠僊印譜次竹翁韻

吾鄉篆刻停雲滌云美陽山久寂寥謬種流傳喧浙派

并無人說沈虹橋
笠僊鐵筆三長擅
獨學老人鑑賞眞
我亦生來有此癖
鉛刀屢試不能神

趙味辛司馬尺牘爲毛榕門丈題

趙尋墨妙壓孫淵
洪存心契西河大小公
中表弟兄惟
悽悽八行書札不
恩恩虎邱鶴市句
留慣燕樹吳雲夢
寐通慨想風流令
宿草兩窗翦燭感
屛翁

送雪齋上人之邗江兼簡雲巢都轉集杜

巾拂餘香擣藥塵
柴門空閉鎖松筠
籬邊老卻陶潛菊
麗藻初逢休上人

太滌山房詩錄卷七

四

淮海維揚一俊人
徐飛錫杖出風塵
諸天合在藤蘿外
但覺高歌有鬼神

相親相近水中鷗
堂上書生空白頭
指點虛無引歸路
對君疑是泛虛舟

幽棲地僻經過少
百徧相過意未闌
此道今人棄如土
匣琴流水自須彈

會須上番看成竹
安得健步移遠梅
今之圖畫無乃是
石田茅屋荒蒼苔

上人有竹嶼吟秋
尋梅招鶴二圖

張公一生江海客
與汝林居未相失
袈裟憶上泛湖船
五月寒風冷佛骨

癸酉夏上人與張船山太守同寓
虎邱互相唱酬是時太守病瘵

近來海內爲長句天下幾人畫古松且過王生慰疇昔

綠雲擬住最高峰

上人與王椒畦典簿最契
典簿畫卷每用王生小印

世事非今亦非古暫時相賞莫相違扁舟不獨如張翰

回首風塵甘息機

愁極本憑詩遣興清詩句句盡堪傳逢迎少壯非吾道

急送茅齋也可憐

蘇晉長齋繡佛前濁醪麤糲任吾年

余學佛而未罷斷
酒因顛其齋日繡

佛龕知君此計成長往老去新詩誰與傳

使君高義驅今古我亦沙邊具小舟好事就之爲攜酒

還如何遜在揚州

大滌山房詩卷七

今渠作述與同遊許坐層軒數散愁爲問淮南米貴賤

微軀以外復何求

和徐植菴廣文見贈元韻

隨身竿木偶逢場運命何須論李康北郭詩人同社契

南州高士飲名香鐙因話雨宵煇剪帳啓扶風澤自長

無奈石頭頭不點諸孫未解探書囊

時延課
諸孫

收斂聰明一見聞童蒙求我行先文漫誇彥伯研詞騁

終服孫卿勸學勤高座塵揮花是雨東脩羊少菜爲葷

吳諺以
葷爲葷

多慙佳什頻煩贈香沁詩神艾蒨莢

六月二十四日俗傳爲荷花生日玉松招同人觀

荷蕘圖賦詩屬和竝仿其體

荷花生日是今朝吳俗爭停蕩裏橈擬爲紅衣具湯餽
故人折簡已相招

把酒先從淥水澆荷花生日是今朝五月臨平山下路
又翻詩案到參寥

朝莫紛紛三與四世閒何處清涼地荷花生日是今朝
直到君家石牛寺

一城內外水迢遙得得肩輿勝檣搖添箇放翁團扇畫
荷花生日是今朝

吳中近事君知否團扇家家畫放翁此放翁六月廿六日夢遊江亭句也

黃端木孝子劔川道上圖爲葉蒼生題

大滌山房詩錄卷七

六

劔川突兀千峰峙石磴盤盤奇若此墨和涕淚寫淋漓
誰不低頭黃孝子孝子家本闔廬城親宦滇南阻甲兵
鴻雁聲中尺素斷虎狼隊裏隻身行瞥見雙親果見親
天心鑑汝聚天倫卻從痛定還思痛過眼雲煙幅幅眞
是幅眞中全勢了孤城夕照羣峰抱相將鹽井夢依依
卽次茅檐記草草蒼生天性本過人藏之什襲百琲珍
君因讀畫欽純孝我愧題詩泣鬼神

王柳邨徵君曲江亭圖

千篇讀到玉山叟一幀攜來潘舍人

功歎息遠梅今宿甫

草幾回展卷重傷神

勝地原居最勝流揚州相望翠屏洲同時訂定千秋業
漢曲江亭隋逸樓

帶水盈盈日莫雲綠深文字瓣香熏過江準擬停雙槩
一訪舸齋一訪君

竹翁將遊天台同人置酒爲別

李儂賦天姥孫綽淖漱華池今日雲遊處當年霞客期夢
餘痕記枕

前一日觀耶
耶夢傳奇

話別酒盈卮吟社當秋禊拈來

祖道詩

子舍歡顏侍僊巖抗手行在陰鳴和鶴出谷喜遷鸞
官餘姚有
量移之信藤壽堪扶老山深莫問程宦遊吾未到凝望

大滄山房詩錄卷七

七

迴含情

吾與菴新建大悲閣賦詩落成

祖庭香火話當年驀見華嚴閣現前願以大悲崇佛地
敢將小果薄人天花鬘作市應無礙樾蔭成林各有緣
鼻觀參來太濃郁阿誰同證木犀禪

時庭桂
盛開

潘竹坪農部竹坪垂釣圖

青琅玕下肅且恭取適偶寄緡竿筒直鉤無餌機心空
其釣非釣神從容誰知當日清望隆曾含雜舌趨宸
楓金紫魚袋世所崇終不換此珊瑚風一朝翩然歸興
濃江南煙雨春濛濛叔度千頃陂汪冒開濟偉抱風雲

通昨年澤國水濱漚連邨鳩鵠中澤鴻德門積厚累世
功君方觸目尤惺忪善莫大乎人與同仁風一扇春漸
融有如枯鮒涸轍中縱之大壑相噉嚼施于有政善氣
充衆維魚矣歲則豐何爲乎臨頓東復東唱和邀取天
隨翁我今嬾散百事慵徑欲攜取笠與篷千竿種竹千
戶封五湖深處相追從

揚州心朗僧丈室傳衣圖爲雪齋上人題

衣止復何傳一鐙子百然心傳衣自在直契祖師禪

坐破幾箇蒲團指出二分明月方同木佛印心又被雪
公饒舌

大滌山房詩錄卷七

八

十笏量來卽道場寒鑪對攤話應長人思灰裏煨殘芋

我向圖中覓老薑

圖爲張老薑作

白菊集杜

衣上見新月蕭蕭挂冷枝藩籬無限景鬢髮自成絲處
士節獨苦人情老易悲素交零落盡不是做當時

王雲舫種紙學書圖

庭院蕉迷夢亦奇綠雲深處墨雲滋傳來眞訣方夫子

臺漫畫龍蛇仿素師

食魚肉帖氣飛騰書律難拘破戒僧卻笑東塗西抹者

一生天闕剡谿藤

安排棐几拓簾櫳消受清涼葉葉風我意種蕉兼種柿
一天綠到九秋紅

黃萼圃主政同宋悅研司寇尤春樊舍人彭葦閒

太守舉守梅社消寒以詩相訂次韻

癡雲釀出撒鹽時暖玉何當手共持劇喜傳柑邀舊侶
重教結社續新詩琴心三疊方調鶴頤卦初爻漫舍龜
欣遇廣平春有腳吹溫黍谷酒邊知

問梅社到守梅時遞主騷壇仗總持鐵石心腸猶作賦
酸寒氣味例吟詩入林自笑鷓鴣鶴巢葉原非躡躡龜
最是復翁能見道箇中消息靜中知

大滄山屢錄卷七

九

圖畫消寒九九時先從五九一尊持合錢而飲原爲釀
取醉無名特借詩花吐黃梅初撚蠟苔封碧澗已藏龜
華子歲宴圍鑪話寂歷心情松柏知

南園北郭盛當時大雅輪非隻手持好古宗風猶述祖
遂初家學本名詩歡聲排日占靈鵲佳話他年紀總龜
探得梢頭珠的皜也應報與竹翁知

宋塵消寒第一集詠庭中蠟梅和復翁韻

百宋塵中一樹梅恰教蠟瓣素心開花爲江夏無雙品
人是陽春有腳來色映金疊香自浥氣調玉瑄暖初回
味無味處畱眞味咀嚼英華萬卷堆

又和復翁卽席口占韻

百宋一塵過有喜五人同席到如期盤登青菜添生意
客爲黃梅住少時漫與詩篇供噓噓晚晴天氣漸舒遲
耳邊吉語頻番報又聽臨風鵲噪枝

延月舫消寒第二集賦得欲覺聞晨鐘得覺字

處世若大夢衆生蒙以幄夢與夢相因意識紛然角大
患緣有身作繭自纏縛清曉吼蒲牢潮音盪五濁詩翁
耳根淨卽境成極樂旣證聲聞禪無須參請數一百八
聲圓無夢亦無覺

靜怡室消寒第二集卽事成詠分韻得雪字用坡

大滄山房詩錄卷七

十

公聚星堂詩韻

宋塵詩詠黃千葉月舫聞鐘天欲雪何緣瑤想上穹窿
卻看玉戲誇奇絕見復先生詩極豪文章太守簡方折
入夜花龕微霰零侵晨苔砌纖塵滅赴席先占凍崔嵬
吸川未許長鯨掣杯盤羅列已神酣餽飣青紅紛眼纈
傳聞淮上水瀾漫頓覺尊前氣鬢屑快雪時晴記擲摹
聚星詩話等飄瞥丙史平生未得舒張俟安善奚須說
東山高臥繫蒼生賦到梅花心似鐵

消寒第四集余以抱恙移席愛日軒分得寒字

松柏盟心騷雅壇守梅第四集消寒靈芝得氣羅前砌

生菜迎春簇滿盤，廚借郇公堂饌美。屋依杜老士顏歡，自嫌偶現維摩疾。佛粥無緣一鉢餐。

十二月十七日愛日軒消寒第五集是日立春以

春共 聖恩長五字分韻得共字

第五集消寒細雨春浮甕，疏梅豔故枝凍雀圓。新弄潭潭府中居，盍盍尊前送病客。方冬烘神官引春夢，臣爲蟣蝨微班許鵷鸞。共聞闔排雲開琳琅披腹貢一霎隨，虛空千春名珍重春來有腳無試問廣平宋。

延月舫蘇會蕘圃和坡公濰州詩韻來訂次荅

詩魔戰病魔殘臘枕邊送月舫祀坡僊香火前因夢笠

大滌山房詩錄卷七

七

展神褊褊豈爲影所弄，會始宋商邱覃谿學士共觴豆。遞隨緣此舉非鑿空龜菴本散僊神洲友，麟鳳祭書百宋塵蘇黃集充棟祀蘇卽和蘇語妙愈頭痛因思元祐花恰傍檐前種來歲祀涪翁我先浮一甕。

延月舫蘇會未及展禮分韻得佳字因拈十絕

別駕西湖衙署祀築菴大滌畫圖佳

余通判杭州時祀公于衙署後官餘 杭菴一菴於洞霄船

山畫笠屐圖紀事 平生香火緣非淺月舫相邀引夢懷

宋西坡後北平偕海內流傳詩話佳想見舍人京邸舊

瓣香親奉到蘇齋

吳昌來往繫情懷延月何如雪浪齋樓築仰蘇聯杜白
此閒小住亦爲佳

纔了消寒詩社酒立春三日壽筵排不須竹鼬松膠獻
元祐花開氣味佳

年時饋歲土風佳魚尾羊腔壓滿街玉糝調羹和骨董
思公嗜好入吟懷

七百餘年媚古懷紙窗竹屋趣還佳歸然詩老靈光在
話到船山淚欲揩

嘉慶壬申船山曾與斯會以榕翁紙窗竹屋蕭閒甚慨想風流七百年句歎爲神韻獨絕今榕翁雙錄如昔而船山下世已十載矣

灰黑雲寒落豆蕪冬溫冷豔若相排復翁爲和濰州韻

大滌山房詩錄卷七

七

筆陳縱橫氣自佳

宋塵歲歲長恩賽果否書倉利市佳來夏若修文節祀

中天坡谷耀金階

龍眠寫本白描佳從祀諸賢次第排山谷阮援老友例

肥僊合與次公儕

我生運亦與時乖磨蝎身宮那得佳來日擬將司命醉

也防天帝惱談諧

堯圃見示次山谷集中問梅詩和韻

問梅公案舊傳衣宗派西江筆一枝我亦曾經參祕密

石牛洞口夢回時

或曰問梅詩與齋對山菴神詩白

雪霽披來鶴氅衣白雲深處一筇枝山僧癡立袈裟攤
正是谿橋放溜時

淨眼同看古佛衣蘇句鱗皴苔蘚點虬枝披雲堂下渾無

恙想像尋詩倚杖時

是否前身一衲衣神清香海雪千枝穹窿山頂支硎麓
總是先生得意時

復翁畱客看花圖和元韻

他心通處總緣情觸緒無端縷縷生碁局長安花世界
賺君著眼太分明

夢本無痕畫有情鐵簫生與鐵瓢生心禪已證西方果

大滌山屋齋卷七

三

說與陸聾耳暫明

圖有二本一為張鐵瓢作一為陸鐵
簫作鐵瓢一字心禪以畫作佛事于

前月委化西向念佛而
逝鐵簫近苦耳聾故云

又戲簡復翁

放翁紀夢詩九十有九首君詩將無同妙得未曾有花
落短襪回花看長安走世事如奕碁君才謝組綬詩多
氣自昌持以卜君壽酌酒復看花直到九十九

祀竈後一日鶴壽堂譙集次榕翁韻

歲寒急景隙駒馳託意微波絕妙詞恰好爽鳩行樂處
正逢壽鶴守梅時西山忍負連番約東閣還容一再窺
看徧唐花開富貴冬心只合問南枝

乙酉新正三日黃復翁以除夕元旦詩屬和余以
除夕家諱輟詠因用元旦韻得詩二首一以自述
一以奉祝也

風和閭闔麗新晴第一勳先策管城手擲渾花占吉讖
耳喧爆竹送春聲九旬開秩慈暉蔭四世同堂樂意生
虔禮玉宸香篆直雙枝絳蠟到三更

乞漿得酒古云然望歲人占大有年結社再斟藍尾琖
遊山準備杖頭錢拓開詩境初圓夢食報書倉勝力田
說與復翁開笑口福如雲涌到門前

二十一日集汲雅堂爲問梅詩社二十二集余入

大滌山房詩錄卷七

十四

社伊始也拈題雪霽書懷卽次葦閒韻

消寒五九素心借快雪時晴興更佳舊約連番孤雅意
新年卽景掃昏霾茫茫世事慵開口寂寂精廬好寄懷
一笑問梅公案在周妻何肉漫談諧

下榻易畫軒贈椒畦

地以看山勝軒因易畫名蓬蓬春意遠疎疎古懷生千

萬鄰誰買十雙田可耕男兒耐藿粥不必盡公卿

斷藿煮粥
命題試士

翦韭連宵話探梅望曉晴積陰渾似夢愛日有同情千
幅筆端掃一山牆外明養堂娛曼壽詩補東長生

余秋室學士櫻紅蕉綠圖

韶光容易把人拋紅爛珠櫻綠滿蕉恨殺少年怵裏過
鬢絲禪榻話無寥

堯圃問梅公案冊用山谷集中問梅韻分詠

齋中賞梅

一室歲寒守庭梅發幾枝天心于此見點勘易林時

山僧贈梅

驛使逢芳訊山僧早折枝銅瓶隨意插茶熟夢圓時

約友尋梅

詩翁多北郭禪友近西枝鶴自松閒步白須相映時

大滌山房詩錄卷七

五

早春憶梅

紙窗捎竹影畫幘認苔枝記取羅浮夢夢橫月落時

支硎探梅

鼻孔清如水寒香臭一枝籃輿度山翠泉滄白雲時

吾與問梅

得得來吾與新花發故枝問梅梅不語倚杖獨吟時

黃生慶萱乞題獅子林圖蓋汪澣雲員外爲其尊

甫繡以上舍作也寥寥數筆自云以不了了之因

題四絕

馬遠江南一角山思翁海上畫三山澣雲此筆情無盡

陟岵詩人涕淚漣

獅窟林巒懷祖澤麟洲簪笏數門才爲言寸草春暉報

漫說心空及第來

少年學佛易招魔無住真人本在家安得子霞詩悟徹

紫籐自了一春花

錢子霞句

今我安心枯木禪百般過眼總雲煙披圖識取曾遊地

彈指俄驚六十年

宋塵小集卽事成詠分得寒字

壬申冬臘月我始闢吟壇及是重三節仍拈十四寒世

途心自誓佛界指頻彈不了繁華夢相將看牡丹

大滌山房詩錄卷七

七

贈徐西塘

童穉情親逐隊嬉恩都到白頭時山中酒熟應思我

嶺上雲多卻贈誰異姓弟兄如骨肉兩家子姪各須肩

金鉞度世功無量利鎖名韉總是癡

凌烈婦詩

有序

婦績谿人年二十適同里梓工黃惠行市月黃之蘇

逾年疾歸至里門卒氏撫棺號痛絕食死元和潘農

部師升白其事於皖江新安二守具旌如例并爲

徵詩因賦五律一章

蓬門箕帚奉一死竟千秋烈婦 天書獎梓人地志收

心惟古井誓芳與績谿流懇懇潘農部微書爲闡幽

復翁遊天竺拈四十字爲別適椒畦寄到西湖春

泛圖蓋蕘圃於辛巳年屬椒畦所寫至是始償也

因和元韻題諸幀首

爲放西湖權先拈北郭詩莫因龍井味負卻鼠姑枝石
證三生早圖成五載遲雲煙頻過眼陳迹總堪思

娑羅花和榕翁韻

天台華頂產娑羅開纈芳亭不啻過表瑞三松慈蔭遠

衍祥七葉慧光多摹臨粉本兜緜手李定之顧晚芳兩
女史並爲寫圖

唱和詞壇優鉢歌公自拈花我微笑底須天女伴維摩

大滌山房詩錄卷七

七

心誠上人重摹澄公像并山舟學士所贈隱谷歸

雲四字裝池索題次榕翁韻

社中我記攢眉入畫裏公還笑口開臨濟兒孫天下滿

幾家心印祖庭來

隱谷歸雲墨妙傳山翁結契亦前緣披圖二老風流在

想像同遊兜率天

个中消息幾人知張祐徐癡等惡詩賴有榕翁來說法

揮豪如帚掃羣兒

陸園讌賞牡丹

常時步履到君家治具相邀興更賒劇喜勝人開勝地

最難名酒對名花是日得東浦陳酒甚佳四圍翠幄千絲雨百瓊銀鏡五色霞連日春陰渾似夢者番春夢太繁華

次日分惠牡丹數種用前韻申謝

欲款春風到我家無邊紅紫向誰賒昨分護世城中饒又散維摩室裏花移植恰當暈細雨開遲彌覺爛餘霞蕊珠一本尤奇絕認是昌門萼綠華

三月十七日五柳園小飲次竹翁韻

罷呼鳩婦雨勝賞鼠姑春綺麗成詩品高華見性真連番來蘸甲一醉補芳辰十三日社集余以事未赴彩筆傳來守蓬山

有替人琴南太守卽席詩成

大澗山房詩錄卷七

七

四月二日邀同人集繡佛龕爲詩社廿五集以麥天晨氣潤分韻得麥字

芳墅送鶯花茅檐課蠶麥趨功生物神撫景流光擲兩載連社盟市月詩盈冊公等遞壺觴我方具有核蔕薇額半黃茶蘼粉全白上市鮒魚鮮連畦豆莢摘尙餘老瓦盆款此歸田客鄰園且共遊詩境不嫌窄晚晚日如年依依晨及夕相將鬪新篇無爲感陳迹

又和竹翁天字韻

廿二集中纔入社十分春後始開筵新詩愛日消寒補舊話當年過夏聯近接笑譚增爽健頓令耳目挹芳鮮

鄰園散步看紅芍便是花鬢色界天

櫻筍鱗魚趁市鮮書生豪舉破千錢話除甜熟詩篇裏
氣洗酸寒酒淺邊與世多情真佛子隨時行樂散神僊
三春風雨恩恩過珍重清和四月天

虞山張蔭堂紅豆圖爲復翁題

絳雲灰劫久揚塵忍問胎僊閣上入一碧蘼蕪春寂寞
相思花發是何因

吾谷楓林昔夢牽蓉莖凝睇夕陽邊白頭漸減吟紅興
縱遇花時亦惘然

詞客銷魂費彩箋摹來粉本鬪芳妍吳儂卻話三紅豆

大滌山房詩錄卷七

九

一瓣香拈宋百塵

惠氏手校本
半存復翁處

汲雅山館讌集分得剡字時新居落成卽以申賀

房杜辛勤門戶立讀史爲之長歎息君家種德蔭千春
奕葉臚雲輝五色尙書門第秀才風臺閣文章弟子職
記曾末坐奉光儀猥以通家頻拂拭味初堂上示芸編
志矩齋中分茗汁共欽月且汝南評每慨風流江左習
當日論文陋子虛至今重望推君實守千篇長慶集
第五聲名清議直儀曹數載錦窠才賢守千篇長慶集
不將鐘鼎易山林豈以乘車忘戴笠卜居里第盍簪占
雅集山房修綆汲芳鄰近接室東西

謂堯圃

竹卷何分道

南北是日詠我孝廉在坐松筠落落共盟心蘭玉森森行繞郭我

來頌禱無腴詞爲誦清芬詠世德

再次彭詠我孝廉韻

詩乃心聲發如何語不刊龍鍾拈秃管雅集廟吟壇藉以襟期暢兼之禮數寬君才殊卓卓僂骨本珊珊照曜三珠樹莊嚴七寶闌虔心歸玉局洗髓轉金丹德種干祥萃文雄一氣盤蓬山先注籍竹院合傳餐霏雪譚多妙如泥醉未拚虛懷空紵縞薄質卻羅紉自愧莊生櫟彌馨謝氏蘭一篇眞跳出四座爲傳看披腹三千牘當頭百尺竿門風推獨步社日記聯歡柳汁衣初染梅花

大滌山房詩錄卷七

三

韻耐寒人閒話天上西笑向長安

贈杜蘅香明經

南邨晨夕數卜宅近芳鄰自愧張君夏欣逢杜子春菜根同食舊花樣看翻新爲祝豐年屢彌縫風俗淳

虞山張月霄詒經堂圖

功深服鄭淵源古德厚荀陳子弟才門望時英垂世範漫尋帝子讀書臺

汲古閣傳懷子晉詒經堂啓仰吾宗平生夢想琅嬛地兩度來登鳥目峰

題徐石卿聽月圖次春樊韻

一默空諸妄無聲勝有聲松筠遊泉石清籟月中生
不悟如如旨云何月有聲聞根卽是性指月妙明生

黃忠端公手書孝經題後

洞璣易數燭幾先十八章經墨尙鮮官以奪情成世界
公因講學守宗傳一生自立孤危地九死難回未造天
聖代褒忠兩廡祀英風肅肅展遺編

六月十二日爲黃文忠公誕辰羹圃設祭於百宋

一廛以新得宋槧大全集呈供爲壽先期賦詩訂
同社展禮次韻

海內爭趨士禮居黃金散盡緣收書摩挲善本什襲儲

大滄山房詩錄卷七

三

嗜好與俗酸鹹殊百宋廛卽雙井廬復翁數典同復初

翁單谿學士齋名學士每歲于是日舉祀七百餘載乙酉符文節公祀繼祀

蘇儀宋適遇吳門吳是日吳清如秀才亦設祭于儀宋堂石牛署款斯人

徒大全宋槧剛還珠遙遙華胄神理俱詩孫心印焉可

誣絳雲灰劫逃海虞或云傳是崑山徐椒園藏弄畱前

模故吾何必非今吾祭書有例敢忽諸巍然遺像出吳

閭宋悅研司寇藏本傳神妙手今則無丹黜粉黜非模糊先期

三日室墀除詩訂同社相招呼清晨逐隊琳琅都半空

彷彿鏘璫珞神之來兮松吹吁神之去兮鑪煙扶佛容
滿月神清耀問梅公案綠不孤心香一瓣酒百壺詩壇

續續清讌娛西江詩派成畫圖

再和榕翁韻

古乙酉同今乙酉潘翁詩卽涪翁詩西江分派推初祖
北郭扶輪仰導師宋槩本傳精莫比蘇齋集豈盛于斯
一廬雙井遙相望八桂三松吾所思
敬誦清芬卷爲吳愷舟題

雁過長空豈有迹鶴歸華表定何年但留名字人間世
顧陸丹青萬古傳

無用朱瑤賡本畱文孫補寫氣還適數行殘墨光先澤
人是前朝第一流

大滌山屋錄卷七

三

石韜山先生家誠爲竹堂廉訪題

梓里緬前型自恨生已晚側聞先哲言颯縷出誠悃樹
大以根深流長以源遠文章實致身如何味厥本我從
廉訪遊筆研其繾綣平生千萬篇經義肉貫申鴻文爲
世瑞豈以巍科顯譚笑靖烽煙素抱亦少展年來主講
席積風爲之轉文酒時流連自顧益驚蹇伏讀太公書
意該而言簡精廬獨學名家學識關鍵安承祖父訓一
語未能踐再拜題數行行閱淚珠泣

送雪齋上人之揚州天寧寺

世界陶輪重慨然隨身瓶鉢過江船何心騎鶴還招鶴

況品三泉又五泉佛法本來無我相詩家到處有人緣
喚回舊夢棲靈寺一杵鐘聲四十年

誰知今夜揚州夢
同聽棲靈寺裏鐘

余丙午年寫李齋先生生揚州
學齋中句也天宣寺本名棲靈

蕘圃以去冬守梅社諸詩命文孫飲魚夫婦彙寫
成圖屬余綴句因賦四首

卽席詩篇供盪噓隨時舖歎亦風流玉松叟與三松叟
話到消寒氣自邇

道氣濃時天性眞廣平胃次本無塵緣何豔說春明夢
五十年前玉貌人

中書誰說老而禿太守何妨酒半醺最是蕘翁有佳思

大滌山房詩錄卷七

三

一門風雅張吾軍

騷壇幾輩樹旌旄我比寒蟲一例號多恐後生摹繪盡
漫將詩老目詩豪

五柳園社集賦得曝書亭研

曝書亭研水阮畱卽墨侯還拜石侯竹垞竹堂前後輩
兩家著述壽千秋

煙雨歸耕研是田曾傳四十六銘鑄此材尙未銘其背
畱與先生結墨緣

劉忠介公從祀文廟恭賦

東林特立望巍然已是山河破碎年誠意功先持以敬

長知派不墮于禪舉朝半醉曷程酒當世知心漳浦賢
正學昌明逢 聖代探源濂洛接眞傳

八月十八日詠莪邀遊石湖時蕘圃新逝卽席感

賦次葦翁韻

石湖勝地城西偏棧伽茶磨相鉤連潮生之日看申月
吳中士女年復年多君邁勝竹林集著我如泛茗谿船
卽席五人不成醉汪陂千頃傷逝川未聽鄰笛意悽愴
轉苦客舫聲喧闐地下何人老春釀閣中懷古清秋便
須臾雲氣四山滃空濛雨意千絲繇後之視今今視昔
黃公壚畔然乎然

太滌山房詩錄卷七

七

十月二日竹堂邀同玉松春樊葦閒集五柳園作
東籬會分韻得爲字

南城結社又東籬五柳園開此席宜交以澹成聯石友
意從眞處悟陶詩共欽晚節芬芳在更看餘波綺麗爲
我亦中年耆嬾折樂夫天命復奚疑

十六日邀同人集鐵如意齋賦得趙忠毅公鐵如

意

花賸凌寒姿人鮮可意事陽月嫌無陽對酒不成醉
角森枯腸請歌鐵如意一握元雲精重以趙忠毅再拜
讀銘詞二十有三字戡金半缺落日惟君子器當日東

林中製作非一致大錯鑄六州嗚呼有明季委鬼茄花
紅朝局直如戲公身百鍊鋼鼎鉉一朝棄戊月雁門高
照見楊左志手澤三摩挲吞聲哭善類讎兮吐寒芒時
清無顧忌爲語同社人慷慨亦非易

汲雅山房社集賦得望雪用坡公尖又韻

風信連番雨腳纖寒消一九逼冬嚴持家身拙求田舍
當局心勞計米鹽盈尺瑞應占麥隴幾分春已透茅檐
舍人呵凍詩偏澀靴塚先愁上鼻尖

朝來瑟縮噤寒雅門外時停載酒車新婦初來吟柳絮

時長孫新娶婦陶氏頗知詩理故人何處問梅花謂蕘清饒味妙推賢

大滌山房詩錄卷七

五

守白戰詩成仗作家獨步早春欣有客纔聽臘鼓手頻

又時詠義將應試春官

延月舫消寒賦得囊琴

滿耳箏琶鬧桐君古錦囊高山流水韻慨想遂初堂

調古德情愔廣平最賞音斯人今已矣淒斷伯牙琴宋

研司寇極賞月舫詩時司寇新逝

海忠介公手書杜詩冊

昔宰淳安邑掘衣忠介祠後塵何以步前事總堪師手
澤歐陽體心聲杜老詩漫言剛易折于此仰風規

十二月十八日招同人集繡佛龕爲蘇文忠公壽

坡公嶽降記年年香火隨人遞結緣大雅扶輪聯石友
半龕分席配金僊黃梅香薦黃柑釀玉糝羹參玉版禪
將事未妨先一日消寒結社鬪新篇

食舊齋消寒賦得迎春花卽送詠我孝廉北上應

試

臘鼓喧傳將餞臘春盤簇坐正迎春卻憐花亦如人意
食舊齋中話一新

燦燦黃金耀日暉迎來喜氣溢春關金胥帶取嘉名錫
應瑞還占金帶圍

水僊數本瑞香叢合與迎春妙化工忽憶少時都下夢

大滌山房詩錄卷七

三

晴窗花氣攪涪翁

傳得師門衣鉢誇況教故物屬君家他時補入羣芳譜
便是春風及第花

奉懷仁圃廉訪用庚辰歲莫寄懷韻

開濟才原大回瀾力亦勝愁多侵白髮夢遠耿青鐙遂
結忘機侶真同退院僧華年開八秩莫景看飛騰

顧怡齋先生越州遺愛卷爲湘舟止舍沅題

兩顧方伯浙中吏

其一顧公學潮事

憲皇帝高皇帝竝從

縣令躋藩垣尤著粵藩守越事越州舊治今猶新口碑
載道山陰民不誇水利濬三江不震霜威行七閩但從

贊序規模數一敬行爲德之聚景賢院祀念臺劉稽古

文傳太史魯

公政績詳魯太史曾熈記

安亦之江舊服官側聞軼事

鑑湖孺傳來治譜同人譜慨想鄉賢政澤延公之哲嗣

早注選屢縮縣符才未顯歸營家廟妥先靈世守清芬

奉遺卷徧徵作手祈必傳安方承命神悚然十年奉職

慙無狀召父杜母公名專公之曾孫亦鶴峙好古羣推

博雅士名賢遺像徧臨摹度越時流誇後起長言不足

嗟歎之一篇未罄平生知續成吳下先賢錄清白家風

百世貽

奉懷韓桂舸同年

大滌山房詩錄卷七

七

雪壓松梢自盤囀雨餘月色倍光明白雲蔭處蒼生福
苦勸還山似不情

芳信相將鶴頂丹梅花好夢指江干流傳寒碧齋中話
話到歸田七品官

宋悅研先生既謝世師緘竹林以子素習於公出
待渡圖索題久未屬稟除夕前三日夢泛橫塘昏

黑迷不得路少焉晴霽碧柳紅橋雨花千片橋畔

一舟先生在焉竊意公歸道山已久何尚在娑婆

世界耶遂瞿然而醒時漏下五鼓輾轉枕上口占

一律書諸卷尾

暖鑪開會屢相邀
愛日軒中道氣饒
宏願圓成僊佛果
淳風想見順康朝
卻看天雨花千片
依舊春風柳萬條
夢境依稀圖畫裏
扁舟已渡赤蘭橋

大滌山寺探梅集杜

只道梅花發幽偏
偏得自怡褰裳踏寒雨
深院果幽期雪樹
原同色霜根結在茲
傳聲看驛使頗覺寄來遲

大滌山房詩錄卷七

天

大滌山房詩錄卷七終

蘇州青霞齋
大滌山房詩錄卷七終

